

ԵՐԱԿՐԾՆԵԱ ՄԱՍԿԱՆ

ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ



Հաղորդագրություն

Մարտի 23-ին Մայր Աթոռ Սուրբ Էջմիածնում գումարվեց Գերագույն հոգեւոր խորհրդի հայաստանյան անդամների ժողով, որի ընթացքում ի թիվս այլ հարցերի քննարկվեց նաեւ տիար Գագիկ Ծառուկյանի կողմից Հայաստանում մեր Տեր Հիսուս Քրիստոսի արձան կառուցելու նախաձեռնությունը: Արձանագրվեց, որ ծրագրի առնչությամբ Մայր Աթոռ Սուրբ Էջմիածինը քննարկումներ է ունեցել տիար Գագիկ Ծառուկյանի հետ՝ հայտնելով պաշտամունքային, առավել եւս տերունի արձանաշինության վերաբերյալ Հայաստանյայց Առաքելական Սուրբ Եկեղեցու ավանդական մոտեցումները: Գերագույն հոգեւոր խորհուրդը վերահաստատեց ԳՀԽ-ի մարտի 9-ի ընդլայնված նիստում հարցի վերաբերյալ որոշեցված դիրքորոշումը՝ համղես գալով հետեւյալ հայտարարությամբ:

«Գերագույն հոգեւոր խորհուրդը բարձրորեն գնահատում է տիար Գագիկ Ծառուկյանի եկեղեցաշինական անուրանալի ծառայությունները, որոնցով նա մեծապես նպաստել է Եկեղեցու հոգեւոր-քարոզչական առաքելության արդյունավորմանը: Միաժամանակ Եկեղեցին ընդունելի չի համարում մեր Տիրոջ՝ Հիսուս Քրիստոսի արձանի տեղադրումը՝ նկատի առնելով, որ այն հարիր չէ Հայ Եկեղեցու դարավոր պատկերագրական եւ պաշտամունքային ավանդույթին:

Եկեղեցու համար ընդունելի կարող է համարվել Փրկիչ մեր Տիրոջ հարթաքանդակի կառուցումը՝ «Ամենափրկիչ» խաչքարերի սկզբունքով:

Գերագույն հոգեւոր խորհրդի հորդորն է նախաձեռնության հեղինակներին եւ մասնակիցներին՝ զերծ մնալ Հայաստանյայց Առաքելական Սուրբ Եկեղեցու ավանդույթին հակասող նախագծերից եւ առաջնորդվել մեր ազգային-եկեղեցական մշակույթին, եկեղեցաբանական եւ աստվածաբանական սկզբունքներին համահունչ մոտեցումներով»:

ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ

ՀՀ դատավորների միության անդամներին

Մարտի 27-ին ՀՀ դատավորների միության անդամներն ուխտավորաբար այցելեցին Մայր Աթոռ Սուրբ Էջմիածին՝ Ս. Գալանե վանքում մասնակցելու Մեծ պահքի Դատավորի կիրակիի Պատարագի արարողությանը:

Կետն իր բարեմաղթանքները փոխանցեց ներկաներին եւ անդրադառնալով օրվա խորհրդին՝ նկատեց, որ դատավորի առաքելությունը պետք է ուղեկցվի Աստծու նկատմամբ երկյուղով եւ մարդկանց հանդեպ բարձր պատասխանատվությամբ:



Հավարտ սուրբ Պատարագի՝ Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը Վեհարանում ընդունեց միության անդամներին՝ գլխավորությամբ միության նախագահ Ալեքսանդր Ազարյանի:

Պարոն Ազարյանը, հայցելով Ամենայն Հայոց Կաթողիկոսի օրհնությունը, նշեց, որ ՀՀ դատավորների միության անդամներով համախումբ՝ Դատավորի կիրակիին առաջին անգամ են ուխտավորաբար այցելում Մայր Աթոռ Սուրբ Էջմիածին: Միության նախագահը նաեւ հույս հայտնեց, որ իրենց այս ուխտագնացությունը կդառնա գեղեցիկ ավանդույթ:

Հանդիպմանը Վեհափառ Հայրա-

վությամբ: Այս առիթով Նորին Սրբությունը հույս հայտնեց, որ դատավորներն իրենց ծառայության համար ուղենիշ կդարձնեն ավետարանական այն ճշմարտությունը, թե օրենքն է մարդու համար, եւ ոչ թե մարդը՝ օրենքի:

Վերջում Ամենայն Հայոց Կաթողիկոսը պատասխանեց նաեւ դատավորների հարցերին, որոնք վերաբերում էին ՀՀ դատավորների միության եւ Մայր Աթոռի հետագա գործակցության հեռանկարներին, Հայաստանում ու Արցախում առկա մարտահրավերներին:

Լրատվական նյութերը՝
Մայր Աթոռ Սուրբ Էջմիածնի
տեղեկատվական համակարգի

Դսեղի պատմաճարտարապետական նշանավոր հուշարձանները

Եւ տախտի վըրա աղոթում մի վանք,
Էն ժայռի գըլխին հըսկում է մի բերդ...
Իսկ քարի գըլխից, լուռ մարդու նըման,
Նայում է ձորին մի հին խաչարձան:

Հ. Թումանյան

ՀՀ Լոռու մարզի Թումանյանի տարածաշրջանի Դսեղ գյուղը՝ հայ համաճարտարապետական ժառանգության Դսեղ համալիրում է մի բերդ... Իսկ քարի գըլխից, լուռ մարդու նըման, Նայում է ձորին մի հին խաչարձան:



Սրբոց Քառասնից մանկանց վանք

դամբարանաբլուրը, դամբարանադաշտերը, մենհիրը, գաղտնուղին, ապարանքի մնացորդները, քարայր-կացարանները, գյուղատեղիները, երկու վանական համալիրները, մի քանի մատուռներ, եկեղեցիներ, խաչքարեր, միջնադարյան գերեզմանոցներ, տապանաքարեր, կացարանների մնացորդներ, տնատեղեր, ձիթհաններ, աղբյուրներ, միջնադարյան կամուրջը, Հայրենական մեծ պատերազմի մասնակիցներին նվիրված հուշարձանը, հուշաղբյուրը, մեծ բանաստեղծ Հ. Թումանյանի արձանը, տուն-թանգարանը, կիսանդրին: Գյուղի կենտրոնական մասում պահպանված հուշարձաններից են նաեւ «միանավ դահլիճ» եւ «եռանավ դահլիճ» տիպի խոնարհված եկեղեցիները, խաչարձանը, քառակող կոթողը, բազում խաչքարեր: ➔ Էջ 2, 7

Դսեղի պատմաճարտարապետական նշանավոր հուշարձանները



Քարծրաքաջ Ս. Գրիգոր վանքը

← էջ 1
Քարծրաքաջ Սուրբ Գրիգոր վանքը գտնվում է Դսեղ գյուղից մոտ 2 կմ հյուսիս-արեւելք՝ Մարց գետակի ձախ ափին՝ Զաղիձորի անտառապատ ձորալանջին։ Վանական համալիրը (այժմ կիսավեր) բաղկացած է եղել երկու եկեղեցուց, գավթից եւ մատուռներից, Դսեղի Մամիկոնյանների տոհմական գերեզմանոցից, ձիթանի, խաչքարերի մնացորդներից։ Սուրբ Գրիգոր եկեղեցին (X դ.), թաղածածկ միանավ դահլիճ է, որին կից՝ հարավից, Զամազասպ Մամիկոնյանի թոռ եւ Սարգսի որդի Մարծպան Մամիկոնյան իշխանը 1221 թ. կառուցել է համալիրի

գլխավոր՝ Սուրբ Աստվածածին զմբեթավոր եկեղեցին։ Եկեղեցու ուշագրավ առանձնահատկություններից են մույթերի փոխարեն զույգ սյուների կիրառումը եւ մերսից հնգանիստ խորանը։ Եկեղեցին ունի երկու մուտք՝ արեւմտյան եւ հարավային կողմերից, իսկ հյուսիսից նրա մեջ բացվում է միանավ դահլիճի հարավային մուտքը։ 1234 թ. Զովհաննես վարդապետն ու իր եղբայր Սարգիսը կառուցել են Սուրբ Զարություն մատուռը (ըստ տեղացիների՝ «Ազնավի տապան»)։ 1245 թ. Մարծպանի որդի Ասլանբեկը երկու մատուռ է կառուցել եւ վանքին նվիրել ոսկով ու մարգարիտներով զարդարված Ավետարան։ 1247 թ. ավարտ-

վել է Ս. Աստվածածին եկեղեցուն հարավից կից գավթի կառուցումը (անբարենպաստ տեղանքով պայմանավորված՝ գավթիքը կցվել է ոչ թե արեւմուտքից, այլ հարավից)։ Գավթիքը պատկանում է հայկական մասնատիպ կառույցների ամենատարածված կենտրոնական «քառասյուն զմբեթավոր» տիպին, սակայն բացառիկ առանձնահատկությամբ. արեւելքում ունի շենքի ծավալից դուրս եկող խորան, որի ճակատին մագիլներում գառ բռնած երկգլխանի արծվի («ճանկած արծիվ») հարթաքանդակն է։ 1266 թ. Գորգ վարդապետը կառուցել է վանքի ձիթանը։ Զամալիրի հարավային կողմում՝ Ս. Զարություն մատուռի շուրջը, խաչքարերով գերեզմանոցն է, արեւմտյան կողմում՝ խցերի ավերակները, ձորում պահպանվել են Մամիկոնյանների կառուցած վանքի կամրջի (XIII դ.) խելերը։ Քարծրաքաջ Ս. Գրիգոր վանքը մասնակի նորոգվել է 1939 թ., մաքրման ենթարկվել 1950 թ. եւ պեղվել 1969 թ.։

Սրբոց Քառասնից մանկանց վանքը գտնվում է Դսեղի հյուսիսարեւմտյան կողմում՝ Դեբեդի կիրճի ստորին հարթակի վրա՝ «Տախտեր» կոչվող հին բնակավայրի տարածքում։ Սրբավայր կարելի է հասնել միայն ոտքով՝ Դսեղից դեպի Դեբեդի կիրճ տանող քարքարոտ ճանապարհով կամ Զորագետ համայնքից՝ բարձրանալով դեպի Դսեղ։

Վանական համալիրը բաղկացած է եղել եկեղեցուց, ժամատնից, կացարաններից, տնտեսական օժանդակ շինություններից, խաչքարերից։

Եկեղեցին (XIII դ.) ուղղանկյուն հատակագծով կառույց է, որի զմբեթը չի պահպանվել, պատերը (հատկապես հարավայինը), թաղերն ու զմբեթակիր կամարները

խարխլված ու կիսաքանդ վիճակում են։ Զորինվածքով «զմբեթավոր դահլիճ» տիպի է, որտեղ դասական հորինվածքի արեւելյան որմնամույթերը համակցված են խորանի եզրային մասերին եւ նրա երկու կողմերին կից ավանդատների ճակատային պատերին։ Ավանդատները կրկնահարկ են՝ շեշտված երկայնական ձգվածությամբ, որոնք արեւելյան կողմում ավարտվում են կիսաշրջանաձեւ խորշերով։ Եկեղեցին կառուցված է ֆեզիտե վարդագույն մրբերանգ սրբատաշ քարերով։ Որմնամույթերը բազալիտից են։ Զարավային եւ արեւելյան կողմերում կան ուշագրավ քանդակներով խաչքարեր։ Պատերը հարուստ են արձանագրություններով, խաչանախշերով ու վիմագրերով։ Եկեղեցու միակ մուտքն արեւմտյան կողմից է։

Ժամատան հետքերը չեն մշմարվում, սակայն արեւմտյան պատի մի ամբակիր արձանագրությունից որոշարկվում են ժամատան առկայությունը եւ նույնիսկ կառուցողը. «Ողորմութեամբն Աստուծոյ ես հաշատուր ծառայ Աստուծոյ շինեցի զժամատունս եւ սալեցի զեկեղեցիս...»։

Ըստ վիմագրական տեղեկությունների՝ վանքի շինությունները քանիցս նորոգվել են XIII դ. վերջերին եւ հետագա դարերում։

Զամալիրում մաքրման եւ տարածքի բարեկարգման աշխատանքներ են իրականացվել նաեւ 2004 թ.՝ «Պատմամշակութային արգելոց-թանգարանների եւ պատմական միջավայրի պահպանության ծառայություն» ՊՈԱԿ-ի հովանավորությամբ, ՊՄՊ Լոռու մարզային ծառայության կողմից իրականացված «Նպաստ՝ աշխատանքի դիմաց» ծրագրի շրջանակներում։ ➔ էջ 7

ԱԼԵՔՍԱՆԴՐՊՈԼԻ ԶԿԱՌՈՒՅՎԱԾ ԿՈՒՍԱՆՈՅՐ ԵՒ ԳԵՒՈՐԳ Դ ԿԱԹՈՂԻԿՈՍԻ ԼՈՒՍԱՎՈՐԶԱԿԱՆ ԿՐԵԴՈՆ

Նայաստանի ազգային արխիվում պահվում է Մատթեոս Ա Կոստանդնուպոլսեցի Կաթողիկոսի՝ որոշակի հետաքրքրություն ներկայացնող մի կոմդակ։ 1860 թվականի մայիսի 29-ի այդ կոմդակով Ամենայն Զայոց Կաթողիկոսը, ընդառաջ Ալեքսանդրապոլում բնակվող երկու կույսերի խնդրանքին, արտոնում է ժողովրդական հանգանակություն կազմակերպել՝ քաղաքում կուսանոց կառուցելու համար։

«Հոգեւոր կառավարութեան Զայոց Աղեքսանդրապոլ քաղաքի ծանուցանմբ, զի ընթերցելա մեր առ մեզ մատուցեալ զաղերսագիր երկուս կուսանացմ՝ մահոտեի Գալիանէ Դանտիլեան եւ Շողակաթ Գեորգեան, որոց ի սիրտ եւ ի հոգի բորբոքելա զոլով սերն Աստուածային, ցանկան տեղի ինչ բնակութեան ինքեանց կուսանաց անուամբ առ նորոգ կառուցանելի եկեղեցեաւ, որ յանուն սբ Աստուածածնի, ուստի խնդրեն ի մեզ տալ ինքեանց զկոմդակ օրինութեան յանուն Կովկասեան վիճակաց, որպէս զի շրջեցուցանելով զայն ի նոսին վիճակսն, ժողովեցսն զկանաւոր տուրս նուիրանաց՝ յօժանդակութիւն եւ ի նպաստաւորութիւն այնմ շինութեան, որուն ինքեանց ցանկան»,— կարդում ենք կաթողիկոսական կոմդակում։

Մատթեոս Ա Կաթողիկոսն իր այդ կոմդակով նաեւ պատվիրում է ընտրել երկու քահանայի, որոնք եւ կկազմակերպեն հանգանակությունը։

Ալեքսանդրապոլում, սակայն, այդպէս էլ կուսանոց չի կառուցվում, թեւ խնդրի արծարծումը շարունակվում է մեկ տասնամյակից ավելի տարիներ։

Ազգային արխիվում պահվող մի քանի այլ վավերագրեր, ինչպէս նաեւ ժամանակի մամուլի հրապարակումները որոշակի լույս են սփռում այս պատմության հետագա ճակատագրի վրա։

Հայրապետական կոմդակից մեկ տարի անց, 1861 թվականի հունվարի 16-ի գրությամբ, Ալեքսանդրապոլի առաջնորդական

փոխանորդ Զարություն եպիսկոպոսը Մատթեոս Կաթողիկոսին ուղղած նամակում նշում է արդեն չորս կույսի անուն՝ Գայանէ Դանդիլյան, Շողակաթ Գեորգյան, Սանդուխտ Սարգսյան եւ Գայանէ Զարությունյան։

Այս նամակում խոսվում է այն ծախսերի մասին, որ անհրաժեշտ էին կույսերին։

Ինչպէս պարզ է դառնում նամակից, մինչ կուսանոց մտնելը կույսերը դեռեւս հոգեւոր կրթության կարիք են ունեցել։ Նրանք կարոտ են եղել համեստաբար մի ուսուցչի, որ իրենց կուսուցաներ Աստվածաշունչ, սրբազան գրքեր եւ հատկապէս Վարք սրբոցը, որը կարդալով՝ որպէս օրինակ կունենային սրբերին եւ նրանց օրինակով կիրառարկեին այս աշխարհից։


Ահրաժեշտ էր նաեւ կույսերին ապահովել սննդով եւ հանդերձանքով։

Այս ամենը մեծ ծախսեր էր ենթադրում, քանզի նրանք համարյա բոլորովին անգրագետ էին, եւ առանց վճարի որեւէ մեկը նրանց կրթությամբ չէր կամենում զբաղվել։ Սրբազանն իր նամակում խնդրում է Վեհափառի տնօրինությունը՝ արդյոք կույսերի կարիքները պետք է հոգալ կուսանոցի համար հավաքված գումարից, թե՛ գտնել այլ աղբյուրներ։

Արխիվում պահվում է նաեւ մեկ այլ փաստաթուղթ՝ կուսանոցի կառուցման համար անհրաժեշտ եւ արդեն հանգանակված գումարների վերաբերյալ։ Այն Ալեքսանդրապոլի առաջնորդական հաջորդ փոխանորդ Մովսես եպիսկոպոսի՝ 1862 թվականի փետրվարին էջմիածնի սբ սինոդին ուղղած գրությունն է, որտեղ սրբազանը հայտնում է, որ հանգանակված գումարը հազիվ հասնում է 400 ռուբլու, մինչդեռ կուսանոցի համար անհրաժեշտ բոլոր ծախսերը կկազմեն շուրջ 13 հազար ռուբլի։

Փաստորեն՝ Ալեքսանդրապոլում կուսանոց կառուցելու հարցը դանդաղում է։ Իսկ 1865 թվականին վախճանվում է Մատթեոս Ա Կաթողիկոսը։

Կուսանոցի խնդրի արծարծմանը կրկին



հանդիպում ենք տարիներ անց՝ թիֆլիսահայ մամուլում։ 1873-ին Թիֆլիսում հրատարակվող «Մեղու» եւ «Մշակ» թերթերի միջեւ ծավալված բանավեճից պարզ է դառնում, թե ինչու այդպէս էլ չկառուցվեց Ալեքսանդրապոլի կուսանոցը։

«Մեղու»-ն իր թիվ 20 համարում հիշեցնում է. «Մի քանի տարի առաջ քաղաքի կուսակրօն կանայք եւ օրիորդները մինչեւ 25 խնդրագործ են եղել Վեհափառ Կաթողիկոսին քաղաքի մեջ մի կուսանոց վանք շինելու եւ նրա մեջ օրիորդներ սովորցնելու համար այն պայմանով, որ նոքա այդ վանքի շինութեան համար չեն ուզելու քաղաքից եւ ոչ մի կոպէկ։ Վեհափառ Կաթողիկոսը հարցրեց քաղաքացուց համաձայնութիւնը։ Զրավարկների ժողովը մարտ ամսին հերքեց կուսակրօնների խնդիրը»։

Շատ չանցած, ի պատասխան այս հրապարակման, թիֆլիսահայ «Մշակ»-ում տեղ են գտնում Ալեքսանդրապոլից Սուքիաս վարդապետ Պարզյանի պարզաբանումները. «Ոչ թե մի քանի տարի յառաջ, այլ ամբողջ 13 տարի, քաղաքիս կուսանք ոչ թուով 25, այլ՝ երկուս»։

Ըստ էության՝ Սուքիաս վարդապետը հաստատում է, որ կուսակրօն կանանց խնդրանքն իսկապէս քննարկվել է քաղաքի ազգայինների ժողովում, որտեղ նրանք անկարող են համարել իրենց կուսանոց պահել։ Սակայն Վեհափառ Զայրապետը չէ, որ հարցրել է քաղաքացիների համաձայնությունը, այլ ժողովը հրավիրվել է միայն կույսերի խնդրանքով։

«Մեղու»-ն, իր հերթին, հայտարարում է ազգայինների մերժման իրական պատճառը։ Այն է՝ տարիներ առաջ, երբ պետք է կառուցվել կուսանոցը, ուր պետք է կրթվեին նաեւ Ալեքսանդրապոլի օրիորդները, քաղաքում չկար օրիորդաց վարժարան։ «Իսկ այժմ, որ հանգուցեալ Արղուբեանի շնորհիւ հիմնած մեր օրիորդական դպրոցը յառաջադէմ քայլերով ընթանում է, աւելորդ կլինէր ժողովրդի կողմից պաշտպանել մի երեւակայական վանքի մեջ փակուած օրիորդների երեւակայական դպրութիւն խաւարապաշտ կանանց ձեռքում։ Ահա այս էր միակ պատճառը, որ ժողովուրդը հերքեց կուսակրօնների կանացի առաջարկութիւնը եւ ոչ թե նոքա (ժողովուրդը) անկարող համարեցին իրենց կուսանոց պահպանել»։

«Մշակ»-ը կրկին փորձում է հակադարձել վերոնշյալին եւ կրկին ակամա համաձայնում եղելության հետ՝ մշելով քաղաքում օրիորդաց մոր դպրոցի անհրաժեշտության մասին։

«Ժողովուրդը, ցոյց տալով միշտ զովելի ուսումնասիրութիւն, չէր կարող բաւականաւ միայն Արղուբեանցի օրիորդաց դպրոցով։

Եւ եթէ Աղեքսանդրապոլու արական սեռի համար արքունի, հոգեւոր եւ քսանի չափով մասնաւոր վարժարանները չեն բաւականանում, միթէ իգական սեռի կրթութեան համար միակ Արղուբեանցի ուսումնարանը կարող էր գոհացուցիչ լինել. եւ միթէ օրիորդաց դպրոցների սակաւութիւնը չէր, որ գոյացրեց նորերումս մոր դպրոց Ասիականոյշ անունով»,— գրում է «Մշակ»-ը։ ➔ էջ 3

ԵՐԲ ԵՂԵՂԵՐԸ ԿԱՆԴՈՒՆ ԵՆ



Սկզբը՝ թիվ 3-5

Բայց դառնա՞նք վեպին: Դեպքերի զարգացումներն աստիճանաբար փոխում են Արամի դիրքորոշումը: Ժողովրդին «ապրել սովորեցնել» ու «խաղաղ կյանք» ապահովել ցանկացող Արամը համոզվում է, որ թշնամին միշտ էլ գալու է եւ այրելու ու ավերելու է կառուցվածը՝ լինի դա տուն թե եկեղեցի: Այդ համոզման արտահայտություններից մեկն էլ այն պատասխանն է, որ Արամը տալիս է թուրք փոխգնդապետի վերջնագրին. «Հիմեցեք մեր տները, եւ մենք կհանձնենք զորանոցը: Չենք երբ չենք տա. եկե՛ք, առե՛ք:

Ձինվորացու չունենք: Սպանվածին ծառայության չեն կանչում» (էջ 207): Ի դեպ, թուրքերի կողմից ներկայացված վերջնագիրը, ըստ որի գեթունցիները պետք է դատարկեին իրենց զբաղեցրած զորանոցը, հանձնեին գեթերը եւ զինվորագրվեին միլիական բանակին, եթե մի կողմից ապացույցն է այն բանի, որ Արամի ծրագրերն անիրագործելի մի բան էին, մյուս կողմից հաստատումն է այն ճշմարտության, որ օսմանցին բոլոր ժամանակներում հետամուտ է մի նպատակի՝ Թուրքիան տեսնել առանց այլազգիների, մասնավոր՝ առանց քրիստոնյաների:

Այդ նույն ողբերգական իրադարձություններն սկսում են փոխել մաեւ Փառենի մեծան «ամուր կոճղին», մաեւ ֆիզիկապես. «Այն, որ մախրեմու վրա փոսիկներ են առաջանում, եւ կեղեքվում են ծածկել փոսիկները, այն, որ արցունքի պես կարծում է խեժը եւ գնդիկի պես չորանում, այն, որ շերտավորվում է բնի վրա եւ դյուրավառ ծյուղ է դառնում, Փառենն է, հին կոճղը, հին մախրեմին, որ մի ժամանակ շարժվում էր, տեղափոխվում հողի վրայով, ժայռից ժայռ, բարձունքից բարձունք: Այտերը փոս էին ընկել, աչքատակին առաջացել էին տուրքակիկներ. ծնոտը մազակալվել էր, ու մորուք էր աճում, շորերը պատառոտված էին, հնամաշ: ...Փարթան ուսերի վրա դժվար էր դրել այն անտեսանելի ծանրությունը, որ ստիպում էր կրել: ...Կարծես կայծակ էր խփել մախրեմու կատարին» (էջ 209):

Վերադարձի վճիռը ճիշտ համարել, մնալ ու շարունակել սերունդների կյանքը, թե՛ թողնել երկիրն ու հեռանալ՝ փրկելով այդ նույն սերունդների վաղվա կյանքի ընթացքը: Այս հարցը տարբեր ձեւակերպումներով

վեպում հաճախ է արծարծվում: Ալաջա-ջյանի պատասխանը հստակ է. իրականությունն այն է, որ վերադարձել է կիլիկիա-հայկական մի հատված, ուրեմն ճշմարիտը նրանք են: Խնդիրն այն է, թե ինչպես են նրանք շարունակելու գոյատևել: Ալաջա-ջյանի պատասխանն այստեղ եւս հստակ է. ձգտել խաղաղության եւ պատրաստ լինել անհավասար կռվի:

Ո՞րն է ճշմարտությունը, եւ ո՞վ է իրավացի: Հարցեր, որ հաճախ են ծագում վեպն ընթերցելիս:

Կարող է թվալ, թե վերոհիշյալ ուղիները տարբեր են, անգամ իրար հակասող: Իրականում դրանք նույն ժողովրդի դառն ճակատագրի հնարավոր երկու ընթացքներն են՝ մեկը մյուսով պայմանավորված, մեկը մյուսից բխող:

Հեղինակային ասելիքն էլ հենց այդ է. չկա ու չի կարող լինել խաղաղ կյանք, եթե պատրաստ չես գեթքով այն պաշտպանելու. գեթքը խաղաղության երաշխիքն է, խաղաղությունը՝ գեթք ունենալու հնարավորություն:

Չենք ի հարգը ճիշտ է պատկերացում մաեւ Թագաճյան վարդապետը, որը երիտասարդության տարիներին քիչ կռիվներ չի մղել եւ այժմ, երբ տարիքն առել է, շարունակում է հավասարապես ծնրադրել իր հոգուց անբաժան երկու աստվածների՝ Քրիստոսի եւ փրկիչ գեթքի առջեւ: Նրա մասին հեղինակը գրում է. «...ճակատագրի ու աստծո դեմ սեւ մի ուրվական, որ գնում էր չգիտես ուր, մարդկանց հոգու սեւությունը պախարակելու» (էջ 43):

Հանձին վարդապետի՝ Ալաջաջյանը կերտել է ազատ, արդար ու հավատարմոր մարդու առիթքնող կերպար: Վարդապետը մեծ նվիրում ունի առ քրիստոնեական հավատքը եւ նույնքան էլ «արի արանց» հայ մարդ


է՝ փառավոր անցյալով. «Սա այն վեղա-րավոր հերոսն է, որ ձի մատած արշավել է Բերդուս-ձայի թշնամիների վրա, սա այն հերոսն է, որ այս զորանոցում ապաստանած թշնամի զորքերին գերեվարեց...» (էջ 137):

Միեւնույն ժամանակ նա ժողովրդական ավանդույթների, ծեսերի ու տոների պահպանն է, որոնք նույնպես գոյատևման կռվաններ են, ժողովրդին ժողովուրդ պահելու ուժ:

Համատարած անելանելիության ու դատապարտվածության մեջ Չեյթունի զորանոցում ու նրա շրջակա տներում ծվարած հազար չորս հարյուր հայերը ջանում են մոխրակույտերի մեջ կյանքի նշաններ դրսևորել, սիրել ու սիրվել, ինչպես, օրինակ, Միքայելն ու Օսանը, Փոփոն ու Կատարինեն, ինչպես Տրդատը՝ իր նորածին մանկանը, ուրախանալ, ինչպես Թումասն իր թոռնե-րով, ինչպես վարդապետը, ամենօրյա իրենց աղոթքը հնչեցնել, ունենալ իրենց տունը, իրենց հողում ծնվել ու այդ հարազատ հողում էլ թաղվել: Չէ՞ որ իրենցն էր Չեյթունը, ու իրենք էլ պատկանում էին Չեյթունին:

Ալաջաջյանն այդ ամենը խտացրել է բազում կռիվների բովով անցած Միքայելի կերպարում: Հոգով ու մարմնով վիրավոր Միքայելի՝ այս աշխարհում մեծ-մեծակ մնացած այդ մարդու, որ՝ «Ծնողներ չունեիր, սպանել էին: Քույր ու եղբայր չունեիր, սպանել էին, ազգական ու բարեկամ չունեիր, սպանել էին» (էջ 63), եւ նրան խնամող այ-րի Օսանի միջեւ հյուսված սիրո մի պահի պատկերը վեպում հնչում է որպես խաղաղ կյանքի հիմն, արեազալի ծնրադրում, սիրո նշխարի հավերժացում, գեղեցկության փառաբանում, բնական կյանքի շարունակում. «Արեւը մերս ընկավ զորանոցի բակից, Օսանը՝ դռնից: ➔ էջ 6

ԱԼԵՔՍԱՆԴՐԱՊՈՒՆ ԶԿԱՌՈՒՅՎԱԾ ԿՈՒՍԱՆՈՅՐ ԵՒ ԳԵՒՈՐԳ Դ ԿԱԹՈՂԻԿՈՍԻ ԼՈՒՍԱՎՈՐԶԱԿԱՆ ԿՐԵԴՈՆ



← էջ 2

Ալեքսիսայ է, որ Ալեքսանդրապոլը խոշոր հաշվով ընտրել էր օրիորդաց կանոնավոր դպրոցները եւ ոչ՝ «երեսակայական դպրո-թին խաւարապաշտ կանանց ձեռքում»: Թերեւս այսպես էլ փակվում է կուսանոցի կառուցման հարցը:

Նկատենք, որ 1866—1882 թվականներին հայրապետական գահին էր արդեն Գեւորգ Դ Կոստանդնուպոլսեցի Ամենայն Հայոց Կաթողիկոսը, որն իր գործունեության առաջ-նահերթություններից էր համարում հայ-

կական դպրոցների բարեկարգումը՝ չափազանց մեծ ուշադրություն դարձ-նելով մաեւ աղջիկների կրթությանը:

«Ազգի մը դաստիարակության կշի-ռը վարժարաններու վիճակէն կշափի, իսկ ազգի մը քաղաքակրթության ծան-րաշափն աղջկանց վարժարաններն են: Այն ազգը, որ բարեկիրք մայրեր ունի՝ բարերարներ, դյուցազունք, հայրե-նանվեր զավակներ ունի եւ վերջապէս՝ ամեն ինչ ունի, իսկ այն ազգը, որ բարե-կիրք մայրեր չունի, դեռեւս բիրտ, բար-բարոս եւ անկիրք վիճակի մեջ է: Բա-րեկիրք մայրերն ընկերությանց զարդն ու գեղեցիկ եւ վեհ առաքնությանց տիպարներն են, ուստի եւ առանց աղջ-կանց դաստիարակության արական սեռին դաստիարակությունը ոչ միայն իր բարձրությանը չհանգիր, այլ կիշխեն ըսել, թե միակողմանի մարդոց կնամանի:

...Այս է իմ համոզումս, թե դաստիա-րակությունը, մանավանդ աղջկանց դաստիարակությունը, հայուն փրկու-թյունն է», — հայտարարում էր Գեւորգ Դ Կաթողիկոսը:

Այս առումով չափազանց ուշագրավ է մաեւ Գեւորգ Դ Կաթողիկոսի՝ 1882 թվա-կանի մայիսի 23-ին իր գահակալության 15-րդ տարեդարձի օրը, աջհամբույրի եկած միաբաններին ուղղած խոսքը, որ մեզ է փոխանցում թիֆլիսահայ «Արձա-գանք»-ը:

«Ի վարդուց անտի համոզված էի, որ մեր ազգի փրկությունը լուսավորության եւ կրթության մեջն է, ուստի կոչմանս առա-ջին իսկ օրից ուժիս մեծ մասը դորան են մվիրել, դպրոցներ հիմնել, հայերի մեջ լույս սփռել, այս է եղել իմ նշանաբանս: Մենք այ-սօր Ռուսաստանի մեջ ունինք 250-ից ավելի մեծ ու մանր դպրոցներ, ուր մեր զավակու-նք կրոնի հետ մայրենի լեզուն են ուսանում,

մեր տղայոց հետ այսօր հավասար գնում են աղջիկներն, եւ այդ ինձ հա-մար ավելի նշանակություն ունի. իմ եկած օրը հայ աղջկանց դպրոցի վերա շատ սակավ հասկացողություն ունեին. Թիֆլիսում եւ Աստրախանում մի քանի կանայք փակված միանձնական ընկե-րություն էին կազմում, որոց ես ասա-ցի, թե ինքնենք անպտուղ ծառեր են, պտղատու այն աղջկունքն են լինելու, որք կարող պիտի լինին ավետարա-նի խոսքը հայոց պատմութեան հետ իրանց զավակներին ուսուցանելու»:

Այսպիսին էր Գեւորգ Դ Կաթողիկոսի լուսավորչական կրեդոն ազգի փրկու-թյան: Ալեքսանդրապոլում այդպես էլ չկառուցված կուսանոցի պատմությու-նը թերեւս կարելի է դիտարկել մաեւ այս համատեքստում:

Իսկ Ալեքսանդրապոլի կույսերի հե-տագա ճակատագրի մասին խոսում են Ազգային արխիվում պահվող եւս մի քանի վավերագրեր:

1893 թվականին Ալեքսանդրապո-լի հոգեւոր կառավարությունը սրբա-զան սինոդին է ներկայացնում Գայանե Դանդիլյանի եւ Շողակաթ Մատինյա-նի խնդիրը՝ Սբ Լուսավորիչ եկեղեցուց իրենց Սբ Նշան տեղափոխելու վերա-բերյալ:

Խնդիրը մերժվում է, «որովհետեւ չիք յարմարութիւն»:

Եւս մեկ նամակ Շողակաթ Մատինյանից՝ ուղղված էջմիածնի սբ սինոդին՝ 1911 հու-լիսի 6-ի թվագրությամբ: Ալեքսանդրապո-լում այդպես էլ չկայացած կուսանոցի վեր-ջին մոհիկանը՝ արդեն ծերության հասած կույս Շողակաթ Մատինյանը, չունենալով որեւէ ազգական ու բարեկամ, խնդրում է իրեն ուղարկել Խճկոնից վանք, որտեղ, ինչպես նշում է ծեր կույսը, «սրբազան



պարտականութիւնս կլինի աղօթել Մայր Աթոռոյ պայծառութեան եւ Սրբազան Ատե-նակալներուդ բազմարդին կենաց արեւ-շատութեան համար»:

Վերջում հավելենք, որ Կարսից ոչ հեռու 10-րդ դարի այս վանքն ամայացել է 1918-ին, իսկ հետագայում մաեւ ավերվել թուր-քական իշխանությունների կողմից:

Արդյո՞ք վանքի ավերակներում է գտնվում մաեւ ալեքսանդրապոլցի կույսի աճյունը:

Նա հավատում է հայոց ոգու անշեջ կրակին...

Անվանի պատմաբան Էդ. Մինասյանի ծննդյան 65-ամյակի առթիվ

Սովորական կենսագրության տեր չէ պատմագիտության դոկտոր, պրոֆեսոր, ԵՊՀ-ի պատմության ֆակուլտետի դեկան Էդիկ Գարեգինի Մինասյանը՝ հայ պատմաբանների հեղինակավոր առաջատարը: Նրա տիտղոսները շատ են, ստացած մրցանակները, պատվոգրերը, շքանշանները՝ նույնպես: Այսօր իմ խոսքը ոչ միայն այդ ամենի մասին է, այլև Էդիկ Մինասյան հայորդու հոգեկան էության ու հոգեւոր կենսագրության:

Էդիկ Մինասյանն արմատներով սերում է Արեւմտյան Հայաստանից: Պատմական հնուկում եւ Սասունում են ապրել նրա հայրական եւ մայրական գծով պապերը: Երգրում նրանք հարուստ տունուտեղ, տնտեսություն են ստեղծել, այլև փառահեղ կենսագրություն կերտել: Նրա պապերն ակտիվ մասնակիցներն են եղել սուլթանական ռեժիմի դեմ հայ ժողովրդի մղած ազգային-ազատագրական զինյալ պայքարի:

Կալե ու Սիմոն պապերը, նրանց հարազատներն ու մերձավորները եղել են հայ-ղուկային շարժման շարքերում, մարտնչել ու մաքառել Անդրանիկ զորավարի հրամանատարության ներքո:

Արեւմտահայաստանի սիգապանծ լեռներում ապրող Մինասյանների տոհմը հավերժ կապերի հայրենի բնօրրանում, եթե չլինեին հայոց ջարդերն ու կոտորածները, եթե չլինեին 1915 թ. ցեղասպանությունը:

Հայոց մեծ արհաւիրքից հետո Մինասյանների տոհմը, տալով զգալի կորուստներ, նոր հանգրվան է գտնում Արեւելյան Հայաստանում՝ բնակություն հաստատելով Արագած լեռան փեշերին՝ նոր կազմավորվող Թալինի շրջանում, որն իր բնակիչմասական պայմաններով շատ էր նման կորուսյալ Սասունին եւ հնուկին:

Մինասյանների տոհմն Արագածի խստա-

հայաց լանջին բարեբախտաբար նոր շիվեր տվեց, վերընձյուղվեց ու նոր թափով սաղարթ հագավ եւ խոր արմատներ մետեց: Գարեգին հայրորդին այստեղ նոր ընտանիքի հիմքերը դրեց, ամուսնացավ իր երկրակից Լուսինի հետ: Ծնվեցին վեց զավակները, տունը լցվեց անհուն երջանկությամբ:

Զավակներից յուրաքանչյուրը գտավ իր ուղին եւ արահետը այս կյանքում: Սակայն բոլորը միասին հայրենիքի արժանավոր զավակներ դարձան:

Էդիկ Մինասյանը գերազանցությամբ ավարտեց հայրենի գյուղի՝ Ոսկեթասի միջնակարգ դպրոցը եւ ուսումնառությունը շարունակեց ԵՊՀ-ի պատմության ֆակուլտետում, որն էլ նույնպես գերազանցությամբ ավարտեց:

Երդվեց անմնացորդ, առանց վարանումների ու սակարկումների ծառայել եղեռնագարի իր ժողովրդին, ավերակներից փյուռիկի նման վեր հառնող մարդաներկին:

Եվ խորունկ հայրենասիրությունը նրա երակներում հոսեց որպես հնուկի եւ Սասունի տան իր մահապետներից եկող դաս ու պատգամ, պատվիրան եւ երդում:

Իր գիտակցական ողջ կյանքի ընթացքում նա հավատարիմ է մնացել Երգրի ճշմարիտ զավակի իր անբեկանելի էության ու կոչմանը եւ անշահադետ ծառայել հայ դատին նվիրված սերունդները կրթելու առաքելությանը:

1979 թվականին գերազանցությամբ ավարտել է ԵՊՀ-ի պատմության ֆակուլտետը: Սկսած ուսանողական տարիներից մինչ ցայսօր նրա գործունեությունն անընդհատ ու անընդմեջ կապված է ԵՊՀ-ի՝ համալսարանի թիվ 1 բարձրագույն ուսումնական հաստատության հետ: Մայր բուհում նա վարել ու վարում է պատասխանատու պաշտոններ: 1985 թ. պաշտպանել է թեկ-



նածուական, 2003-ին՝ դոկտորական ատենախոսությունները: Նույն հաջողությամբ ստացել է գիտական կոչումները. 1991 թ. դարձել է դոցենտ, իսկ 2005 թ.՝ պրոֆեսոր:

2009-ից մինչեւ օրս Էդ. Մինասյանը հաջողությամբ կատարում է ԵՊՀ-ի պատմության ֆակուլտետի դեկանի պարտականությունները: Երկար տարիներ նա վարում է ՀՀ ԳԱԱ պատմության ինստիտուտում գործող ՀՀ բարձրագույն որակավորման կոմիտեի հայոց պատմության 004 մասնագիտական խորհրդի նախագահի տեղակալի պաշտոնը:

Բուռն ու բերքառատ է Էդ. Մինասյանի շուրջ 40-ամյա գիտական գործունեությունը: Այդ ընթացքում նա ընթերցողի դատին է ներկայացրել մեկ տասնյակից ավելի ծավալուն մենագրություններ եւ երկու հարյուրից ավելի գիտական հոդվածներ:

Հարուստ եւ բազմազան է նրա հետաքրք-

րությունների շրջանակը, որն ընդգրկում է հայ դիվանագիտության պատմությունը, հայոց պատմության նորագույն շրջանը, հայրենիք-սփյուռք առնչությունները, 19-րդ դարավերջի հայկական ազատամարտը, Հայոց ցեղասպանության միջազգային ճանաչման գործընթացը, արցախյան ազգային-ազատագրական պայքարը:

Նրան մեծ հռչակ բերեցին կոթողային մի շարք աշխատություններ՝ «Սոցիալ-տնտեսական վերափոխումները Հայաստանի հանրապետությունում 1999–2003 թթ.», «Հայաստանի երրորդ հանրապետության պատմություն», «Հայոց նորագույն պետականության քառորդ դարը», «Հայ կանայք 19-րդ դարավերջի եւ 20-րդ դարասկզբի հերոսամարտի տարիներին», «Հայ հերոսուհի կանայք», «Մայրաքաղաք Երեւանը ՀՀ անկախության տարիներին (1991–2018 թթ.)»: ➔ էջ 5

Երգի հավերժող թևերով

*Ալազյազ բարձր սարին
Ձունն իջեր է կատարին.
Առնեն էլնեն, առնեն էլնեն,
Առնեն էլնեն Ալազյազ,
Ուտեն ձունը, խմեն ջուրը,
Լանջիդ ման գամ, Ալազյազ...*



Նրա ծննդավայրն Արագած լեռան ուր-ցաբույր փեշերին փռված Մուլքի գյուղն է՝ զով ամառանոցներով ու սառնորակ աղբյուրներով, բարի, աշխատասեր մարդկանցով ու բերրի անդապտաններով հայտնի Ապարանի գյուղերից մեկը: Եվ ամեն անգամ, երբ Հին Նորքում գտնվող իր տնից քաղաք էր իջնում, Ապարանի հող ու ջրի գովքն անող այս երգն էր շուրթերին, հոգում՝ հայրենի եզերքի հանդեպ սերն ու կարոտը:

Այդպիսին էր ժողովրդական երգասաց Իշխան Կարապետյանը՝ ժողովրդական երգարվեստի սիրահարների սիրելի ու հարազատ Իշխան հայրիկը:

Մասնագիտությամբ հաշվապահ էր, ողջ կյանքը նվիրել էր իր բազմամղած գերդաստանին, մասնակցել էր նաեւ երկրորդ աշխարհամարտին: Եվ ողջ կյանքում, ան-

գամ պատերազմի դաժան օրերին, նրան ուժ ու հույս էին մերշնչել հայրենի երգերը, նրանցով մտովի այցելել էր ծննդավայր, հարազատներին ու ընկերներին, ժամի աղբյուրի սառնորակ ջրի փոխարեն իր մշեցի եւ ալաշկերտից նախնիներից ժառանգած երգերով էր հագեցրել հայրենաբաղձության ծարավը:

Երգասեր եւ երգապահպան է Ապարանի ժողովուրդը, եւ բազմաթիվ ապարանցի երգասացներ են հայտնի, սակայն ոչ միայն իմացած երգերի քանակով, ազգագրական տվյալ շրջանին բնորոշ ամխառն երգառճով, այլև մեղեդիների մատուցման յուրօրինակ երանգախաղերով առանձնանում էր Իշխան Կարապետյանը: Տարոնից եկած երգերից՝ «Շուշո», «Քառուկա», «Դարդո», «Չոլի կռուկ», «Առաքել, Մուշեղ», հարսանեկան հնագույն թագվորագովքեր, Ապարանում ստեղծված երգերից՝ «Օսան յար» ու «Փշատի ծառ», «Էլինո յար» ու «Կաքավը թռավ», «Յաման յար» ու «Մարալ եվա ջան», բազմաթիվ գուսանական երգեր... Այս երգերով 1960-ական թվականներից Իշխան Կարապետյանը ճանաչում էր ձեռք բերել ոչ միայն հայրենի Ապարանում, այլև ողջ հանրապետությունում: Նրա ձայնը տարիների շարունակ հնչում էր տարբեր հեռուստատեսային եւ ռադիոհաղորդումներում, անգամ ժամանակին նրա ստեղծագործություններից մշակվել եւ իր կատարմամբ ձայնագրվել են Հայաստանի ռադիոյի եւ հեռուստատեսության Ա. Մերանգույանի անվան ժողգործիքների համույթում:

*Սեզ սարերից հոսող ջրեր,
Ո՞ր խորքերից եք գալիս,
Ունեն անթիվ, ծով կարոտներ,
Մեկից ինձ լուր չեք տալիս:*

*Սեզ սարերում երգող տատրակ,
Ո՞ր քարափից ես գալիս,
Ո՞ր ես թռչում այդպես արագ,
Սիրոս արյուն է լալիս...*

Երգասաց Իշխան Կարապետյանը ոչ միայն երգիչ էր, այլև ստեղծագործող: Երգեր էր հորինում տարբեր առիթներով՝ լիներ Մեծ եղեռնի հուշարձանի բացման հուզիչ արարողությունը, հերթական հանդիպումը ծննդավայրի ու ընկերների հետ թե իր կյանքի երկարամյա ընկերուհու՝ տիկին Հայաստանի կողմից ամուսնական մատանին կորցնելու զավեշտախառն պատմությունը:

Իշխան հայրիկը իմացած երգերի մեջ մի առանձին գործվածքով էր վերաբերվում իր հայրենակից գուսան Մահուրի Գեւորգի երգերին: Հայրենակիցների անսահման սերն ու հարգանքը վայելող գուսանն ապրել եւ ստեղծագործել է Ապարանի երնջատափ գյուղում եւ իր հորինած բազմաթիվ խրատական, հայրենասիրական երգերով հաճախ հանդես եկել հարազատ վայրերում, իսկ Կարապետյանների երգասեր ընտանիքը սերտ կապեր է ունեցել սիրված գուսանի հետ: Իշխան հայրիկը շատ վաղ հասակում իր հայրական տանն առիթներ էր ունեցել լսելու Մահուրի Գեւորգին եւ անգամ հիշում էր գուսանի՝ իր հորը՝ Մելիք Կարապետյանին նվիրած երգ-կատակից պատառիկներ...

Իշխան Կարապետյանը նաեւ զբաղվում էր հայրենի երգերի տարածման շնորհալի գործով: Նա Երեւանի ժողովրդական ստեղծագործության տան ինքնուս ստեղծագործողների բաժանմունքի նախագահն էր, Երեւանի պոլիտեխնիկական ինստիտուտում կազմակերպվող ժողովրդական ստեղծագործության ամենամյա փառատոնի պատվավոր հյուրը:

Կոմիտասի անվան պետական կոնսերվատորիայի հայ երաժշտական ֆուլկլորագիտության ամբիոնը տասնամյակներ շարունակ անդրադառնում է հայ ազգագրական երգարվեստի մուշեղների հրատարակման օգտավետ գործին: Իսկ երաժշտագիտության թեկնածու, կոնսերվատորիայի երկարամյա դասախոս եւ ամբիոնի նախկին վարիչ Ալինա Փաղեւանյա-

նը, լինելով Իշխան Կարապետյանի երգերի հրաշալի գիտակ, վաղուց էր ձեռնամուխ եղել նրա երգերի ժողովածուի ստեղծման եւ հրատարակման գործին, սակայն հայտնի պատճառներով այն հետաձգվել էր:

Սակայն տարիներ անց, երբ արդեն ցավալիորեն վաղուց մեզ հետ չէ Իշխան Կարապետյանը, նրա երգերը հավերժ մնալու են որպես հայ երգի կատարողների եւ երաժշտասերների սեփականություն. երաժշտագետ Ալինա Փաղեւանյանն իրագործել է իր վաղեմի ծրագիրը:

Ընթերցողի սեղանին է տպագրական բարձր որակով եւ ճաշակով հրատարակված «Հայ ժողովրդական երգեր եւ նվագներ» մատենաշարի 15-րդ հատորը, որն ամփոփում է Իշխան Կարապետյանի ձայնից Ալինա Փաղեւանյանի վերծանած, կազմած եւ խմբագրած «Թանկագին ավանդ» ժողովածուն: Այն ներառում է երգասացից գրառված 82 երգ՝ պարերգեր, ծիսական երգեր, կատակերգեր, սիրային-քնարական երգեր, պատմական-հայրենասիրական երգեր, գուսանական երգեր (որոնց թվում՝ մեկական երգ Ջիվանուց, Շերամից եւ Պայծառից, իսկ Մահուրի Գեւորգից՝ ամբողջ մի թանկ ժառանգություն՝ 18 երգ):

«Իշխան Կարապետյանը ժողովրդական երգի իսկական կրող էր, ճաշակով կատարող: Օժտված էր նուրբ երանգներով հարուստ ձայնով: Բայց ամենակարեւորը՝ երգը նրա տարերքն էր, — մախաբանում գրում է Ալինա Փաղեւանյանը: — Նրա վաստակը հայ ժողովրդական երգարվեստի կատարողական ավանդույթների պահպանման բնագավառում անուրանալի է»:

Գիրքը հրատարակվել է կազմողի միջոցներով եւ նվիրված է Երեւանի Կոմիտասի անվան պետական կոնսերվատորիայի հայ երաժշտական ֆուլկլորագիտության կաբինետի հիմնադրման 50-ամյակին:

Արտակ ՎԱՐԴԱՆՅԱՆ
Բանասիրական գիտ. թեկնածու

Հերոսների դրամատիկ հոգեվիճակները «Գեւորգ Մարգալետունի» վեպում

Մեր նախորդ հոդվածում («Գեւորգ Մարգալետունի» պատմավեպը եւ պատմական աղբյուրները, ԲՀ, 2022 թ., թիվ 2–3) արդեն խոսել ենք այն մասին, որ Մուրացանը պատմական թեման մշակելիս առաջնորդվել է ռուս քննադատ Բելինսկու տեսական սկզբունքներով՝ համարելով, որ պատմությունը ստեղծագործության հիմքն է միայն, որ գրողն ազատ է վերակերտելու պատմությունը՝ իր գաղափարներն արտահայտելու համար։ Գրողը թեեւ հավատարիմ է մնում պատմական դեպքերի ժամանակագրությանը, սակայն պատմությունը հաճախ հարմարեցնում է իր ստեղծագործությանը։

Մուրացանը պատմական դեպքերը դիտարկում է իր հերոսների ապրումների հետ համատեղ, ինչն էլ հաճախ հանգեցնում է սուբյեկտիվիզմի։

Վեպում հայրենասիրության տիրակալ գաղափարաբանությանը ենթակա համարյա բոլոր հերոսները ճակատագրով դատապարտված են ինչ-ինչ բարդ իրավիճակներում ուժ չգտնել հաղթահարելու իրենց հզոր անձնականությանը նույնքան հզոր դիմադրությունը (տես Սաֆարյան Վ., Գրողի եւ կերպարի անհատականությունը, Երևան, 2001, էջ 132)։ Այս առումով «Գեւորգ Մարգալետունի» վեպը հայ պատմավեպերից ամենահոգեբանականն է։ Նրանում գաղափարական ու հոգեբանական շերտերը գտնվում են ներդաշնակ համամասնության մեջ։ Գրողի գեղարվեստական մտածողության այս հատկանիշը նրա գրական ժառանգությունն ուսումնասիրողների կողմից մեծ ուշադրության է արժանացել։ Այս առիթով Ա. Տերտրյանը գրում է. «Մուրացանը ոչ միայն տիպ է տալիս, այլեւ շեշտում է այդ տիպի հոգեկան որոշ առանձնահատկությունները, եւ այդ շեշտում, բնորոշ գծի շուրջն է հավաքում այն բոլորին, ինչ որ գովելի կամ համակրելի, կամ թե չէ՝ անդուրեկան եւ հակակրական են այնպես իրեն իբրեւ գեղագետի» (Տերտրյան Ա., Մուրացան, Երևան, 1971, էջ 52)։

Ինչպես որ Մուրացանը ինքն է իր նախնիներում անընդհատ ինքնավերլուծող-գնահատող, այնպես էլ նրա հերոսներն են անընդհատ վերլուծություններ անում, վերագնահատում անցյալը։ Այս ինքնավերլուծական փաստն ապահովում է վեպի



հոգեբանական գերակայությունը։ Եվ դա այնքան ինքնաբերական է, որ նույնիսկ ավելորդ են թվում հեղինակային այնպիսի միջամտությունները, որոնցով նա փորձում է ներկայացնել հերոսների հոգեվիճակը (տես Սաֆարյան Վ., նշվ. աշխ., էջ 142)։

Ռոմանտիկ Մուրացանի համար առաջնայինը միշտ եղել է գաղափարատիպ հերոսների ստեղծումը. գրողը գտնում էր, որ մարդկանց անձնական վարքը կարող է ճակատագրական լինել հասարակության եւ հայրենիքի համար, ուստի մարդկային բոլոր դրսեւորումները պիտի ենթարկվեն բարձր գաղափարին։ Այս պատճառով էլ նա ազատ է վարվել վեպի պատմական կերպարների հետ՝ հաճախ բավականաչափ հեռանալով պատմական աղբյուրներից։

Վեպի հերոսները, ունենալով մի նպատակ եւ այդ նպատակի իրագործման մղվածություն, այնուամենայնիվ, դեպքերի զարգացման տարբեր հանգամանքներում կարող են անսպասելիորեն փոխվել, որովհետեւ փոխվում է ոչ միայն իրավիճակը, այլեւ հերոսի վերաբերմունքը տվյալ իրավիճակում։ Հենց այս պահերին էլ առաջանում են հոգեբանական մոր երանգներ։ Նրանք միշտ չէ, որ կարողանում են առաջնորդվել բանականությամբ, քանի որ նրանց մեջ ապրում է սեփական ազատության գիտակցությունը։

Վեպում ներկայացվում է, թե ինչպես է շրջապատը ներազդում հերոսների վրա,

ներթափանցում նրանց հոգեկան աշխարհի, ինչպես եւ հերոսները ներգործում այդ արտաքին աշխարհի վրա։ Վեպի հոգեբանական շարժումը պայմանավորող Սահականույշ–Աշոտ, Մարգալետունի–Սեւադա, Մարգալետունի–Յիկ Ամրամ, Մարգալետունի–Աշոտ Երկաթ, Մարգալետունի–Սահականույշ փոխհարաբերությունները սովորական առնչություններ չեն, այլ իրենցից ներկայացնում են տարբեր սկզբունքների պայքար, որը բացում է հերոսների աչքերը, ստիպում ավելի սթափ մայել աշխարհին։ Այս առիթով Վ. Սաֆարյանը նկատում է. «Պատումի ըննության այս ձեւը, որպես կանոն, վերածվում է դատի, երբեմն՝ ինքնադատության, քանի որ իսկապես առկա են մեղադրող եւ պաշտպանող կողմերը, մեղադրական փաստերը, անգամ դատական եզրակացությունը» (նույն տեղում, էջ 158)։

Իր դատողությունների ճկունությամբ եւ մտածողությամբ հերոսներից յուրաքանչյուրն ամբողջական է իր տարբեր մեջ եւ հոգեբանական դրությունը վերապրում է զգացմունքների ամբողջ ուժով ու ծայրահեղ սրությամբ։ Նրանք ինչ-որ տեղ մեղանշում են գերագույն ճշմարտության դեմ, սակայն ելնում են մեկ այլ ճշմարտությունից, որը նույնպես հզոր է։ Ահա թե ինչու հերոսները համոզում են իրենց վարքով եւ գտնում են իրենց արդարացումը (տես Սահականույշ Ս., նշվ. աշխ., էջ 135)։

Մուրացանը հայրենասիրության գաղափարը փորձում էր հայտնաբերել մարդկային-հոգեբանական բարդ հանգույցներում՝ իբրեւ սկիզբ ընդունելով մարդու ներքին աշխարհը։

Վեպում հերոսները կանգնած են մեծ խնդրի առաջ. վճռվում է հայրենիքի բախտը։ Նրանց ներաշխարհում տեղի է ունենում ուրույն պայքար, որովհետեւ անձնական շահերը որոշ իմաստով բախվում են հասարակական շահերին։ Վեպում հոգեկան այդպիսի դրամա են ապրում Աշոտ Երկաթը, Սահականույշը, Յիկ Ամրամը, Սահակ Սեւադան, Հովհաննես կաթողիկոսը, Աբաս արքեպիսկոպոսը։ Միայն Գեւորգ Մարգալետունին չունի հոգեկան այդ դրաման. նա բարձր է կանգնում բոլորից եւ անձնավորաբար պայքարում ժողովրդի ազատության համար։

Աշոտ Երկաթի հոգեկան դրաման

Պարտականության ու սիրո միջեւ
Այդ ես եմ տնկված՝

Ուղեփակոցի գերանի մեջ...

(Պարույր Սեւակ,

«Այսպես չեն սիրում»)

Վեպի կենտրոնական կերպարներից է Աշոտ Երկաթը՝ հասարակական ու անձնական զգացմունքների դրամայով։ Մուրացանն ազատ է վարվել պատմական Աշոտ Երկաթի կերպարն ստեղծելիս։ Դրասխանակերտցին նշում է, որ արքան շատ էր լինում Ուտյաց աշխարհում եւ ուներ «բարոյական թերություն»։ Այս թեթեւ ակնարկները Մուրացանի գրչի տակ ընդարձակվել են, դարձել վեպի ծանրակշիռ հանգույցներից մեկը։

Որքան էլ որ Մուրացանը հրաշալի գիտեր, որ նա հայոց պատմության մեջ եղել է հզոր արքա, որի օրոք խաղաղության տեսական շրջան հաստատվեց Հայաստանում, այնուամենայնիվ, Աշոտ Երկաթը չէր կարող լինել գրողի գաղափարակիրը, եւ պատճառը պայմանավորված է Մուրացանի հասարակական հայացքներով։ Ինչպես եւ արդեն մշել ենք, Մուրացանն ազգության հիմքը, բացի անձնագործ անհատից ու եկեղեցուց, համարում էր մաքուր օրինավոր ընտանիքը։ Գեւորգ Մարգալետունու բերանով գրողը հաստատում է ազգության հիմք հանդիսացող ընտանիքի կարևորությունը։ «Ազգերի գործությունն ընտանիքի մեջ է. գործարկ է այն ազգը, որ ունի գորավոր ընտանիքներ, սիրով, միությանը, առաքինի եւ հավատարիմ կենակցությամբ ընտանիքներ։ Այն գեղջուկ խրճիթները, այն անմշակ տնակները, որոնց մեջ ապրում են ցնցոտիներով ծածկված մանկտիք, եւ որոնց շատ անգամ արհամարհում են մեծամեծ իշխանները, նույնիսկ դրանք են, որ ամփոփում են իրանց մեջ հայրենիքի ուժը» (Մուրացան, «Գեւորգ Մարգալետունի», Երևան, 1977, էջ 463)։

Ահա հենց այս հանգամանքով է պայմանավորված այն փաստը, որ Աշոտ Երկաթը չէր կարող լինել Մուրացանի գաղափարատիպ հերոսը, քանի որ նա խախտել էր այն սրբազան ուխտը, որը տվել էր կողակցին ամուսնության օրը։ Որքան ուներ «բարոյական թուլություն», որը գրողը այդպես էլ չի կարողանում ներել նրան, քանի որ գտնում էր, որ իշխող մարդկանց անձնական վարքը կարող է ծակատագրական լինել հայրենիքի համար։ ➔ էջ 7, 8

Նա հավատում է հայոց ոգու անշեջ կրակին...

← էջ 4

Կատարած գիտական եւ մանկավարժական վիճարկի աշխատանքին զուգահեռ էր. Մինասյանը վերջին տասնամյակներում ծավալել է ազգային-հասարակական նույնքան ծանրաբեռն ու վաստակաշատ գործունեություն։

Որպես հայ պատմաբան եւ հասարակական-քաղաքական գործիչ՝ նա իր նպաստն է բերել արցախյան հիմնահարցի հայա-պաստ արժարժաններին, այդ առումով եւս հանրությանն է ներկայացրել կարեւոր գեղություններ եւ ուսումնասիրություններ։ Գործնական առումով եւս ակտիվ շփումներ է ունեցել մարտնչող Արցախի պատասխանատուների եւ ժողովրդական զանգվածների, նաեւ զինված ուժերի ղեկավարության հետ։

Հայ պատմաբանը հայալեզու եւ օտարալեզու մամուլում արժանի հակահարված է տվել ադրբեջանական «պատմաշինարարների» ամենուր տարածվող հերյուրանքներին։

Էդիկ Մինասյան բաժր հայորդին մտավոր եւ հոգեկան ողջ ներուժով Հայ դատի զինվորն ու զորականն է միաժամանակ։ Իր կազմակերպչական հմտություններն ու ստեղծագործական էներգիան նպատակադրում է Հայոց ցեղասպանության միջազգային ճանաչման գործընթացի կարեւորմանն ու խորացմանը։ Սույն թեմատիկայով

նա հանդես է եկել հանրապետական եւ միջազգային բազմաթիվ գիտաժողովներում եւ հավաքներում, խոսք ասել հեռուստատեսային եւ ռադիոէթերներից։ Հանուն հայ ժողովրդի պատմականորեն ամառանցելի իրավունքների ճանաչման՝ նա օգտագործում է ամեն մի ամբիոն եւ առիթ՝ սույն օրակարգը միջազգային հարթակում գործածելու համար։ Նրա խորին համոզումով՝ Հայոց ցեղասպանության միջազգային ճանաչման գործընթացը պետք է լինի անկասելի, եւ ցանկացած հանգամանքում բացառված են լինելու վերոնշյալ հարցի անտեսումն ու մոռացության մատնումը։ Որպես հանրային գործիչ՝ Էդ. Մինասյանը երկար տարիներ ղեկավարում է իր իսկ հիմնադրած «Խնուս» հայրենակցական միության հոգաբարձուների խորհուրդը։ Մի քանի անգամ ընտրվել է մեր երկրի ամենաազդեցիկ՝ «Երկրապահ» կամավորական միության վարչության անդամ, որում գործում մասնակցություն եւ աջակցություն է ցույց տվել միության աշխատանքներին։ Պետք է արձանագրել, որ անվանի պատմաբանը հանդիսացել է նաեւ ՀՀ հանրային խորհրդի անդամ եւ աչքի ընկել իրեն բնորոշ եռանդով եւ ակտիվությամբ, հանդես եկել հասարակական բազմաթիվ նախաձեռնություններով։

Էդիկ Մինասյան...

Շուրջ չորս տասնամյակ շարունակ հա-

յոց պատմության ոգին ու խորհուրդը, դատերն ու պատգամներն է հաղորդում իրար հաջորդող ուսանողական սերունդներին։

Նրա դասախոսություններն ու ելույթներն աչքի են ընկնում բնականորեն գեղեցիկ, ճիշտ հայերենով, համոզիչ ու կուռ տրամաբանությամբ, այնպիսի պաթոսով ու հանդիսավորությամբ, որ ներկաներին թվում է, թե նա պատմական վերոնշյալ իրարարձությունների անմիջական ակամատեսն ու մասնակից է միաժամանակ։

Եվ երբ նա ուսանողական լսարանի առջեւ ոգեշունչ պատկերավորությամբ ներկայացնում է Վարդանանց ժամանակաշրջանը, կլանված ունկնդիրն այն պատրանքն է ունենում, թե հայ պատմաբանը հենց նոր վերադարձավ 451 թվականի հերոսաշունչ իրարարձություններից, Տղմուտ գետի ափերից, Ավարայրի դաշտից։

Նույնն է կատարվում, երբ նա իրեն հատուկ ոգով ու ոճով ներկայացնում է հայոց պատմության այլ դարերի դեպքերն ու իրարարձությունները։

Էդիկ Մինասյան հայորդին բնավ չի բավարարվում մատաղ սերնդին տեսական գիտելիքներ հաղորդելով։ Նա յուրաքանչյուր ուսումնական տարվա ավարտից հետո ուսանողների, մտերիմների ու զինակիցների խմբով ուխտագնացություն է կատարում դեպի Արեւմտյան Հայաստան,

Կիլիկիա ու պատմական Պարսահայք։ Ուտյաց շրջելով պատմական Հայաստանի մշամավոր ու տեսարժան վայրերում՝ պատմաբանը գործնական հայրենասիրության բորբոքում լիցքեր է հաղորդում հայ պատանիներին ու երիտասարդներին։ Անցած տարիներին նա հարյուրավոր ուսանողների ուղեկցել է հայոց միլիարական բնակատեղիներում, կանգ առել Տղմուտ գետի ափերին, Ավարայրի դաշտում եւ այնտեղ հայրենաշունչ դաս վարել, որն իր կյանքի եւ երկարամյա դասախոսական գործունեության, թերեւս, ամենակարեւոր ու հրաշունչ դասն ու պատգամախոսությունն է եղել։

Էդիկ Մինասյան հայորդին անվարան հավատում է իր ժողովրդի ոգու անշեջ կրակին։

Նա հավատացած է համոզված է, որ կգա օրը, եւ կսկսվի մեր ժողովրդի հավաքական տունդարձը դեպի պապենական ու պատմական հայրենիք։

Հանուն այդ հայրենամարտի նպատակի ու երազանքի է ապրում, գործում ու արարում։ Նրա միտքն ու ոգին ամեն օր սավառնում են իր պապենական կորուսյալ հայրենիքի սրբազան վայրերում, որի հոգեղեն մասունքները երկյուղածությամբ պահում է իր հոգում։

Արմեն ԿԱՐՄԵՏՅԱՆ
Պատմական գիտ. թեկնածու

Տյառնընդառաջը կերպարվեստում

Դորրորդ դարից ի վեր, երբ սահմանվեց Տյառնընդառաջի տոնը, սկզբում մանրանկարչության, ապա հաստոցային գեղանկարում, ի շարքում ավետարանական այլ թեմաների ու պատկերների, մեծ տեղ գտավ նաև տյառնընդառաջի թեման: Սակայն մինչ կերպարվեստին անցնելը կցանկանայինք անդրադառնալ տոնի խորհրդին եւ տոնի պատմությանն առնչվող խորհրդանշական մի թվի:

Սուրբ Ծննդից 40 օր հետո, համաձայն Մովսիսական օրենքի (ուր ասվում էր, թե «Ամեն արու զավակ, որ արգանդ է բացում (այսինքն՝ առաջնեկը), Տիրոջ համար սուրբ պիտի կոչվի» (Ղուկ. Բ 23)), մանուկ Ջիսուսին ծնողները տանում են Երուսաղեմյան Տաճար՝ Աստծուն ներկայացնելու համար: Ըստ նույն օրենքի՝ ծննդաբերությունից հետո կանայք որոշ ժամանակ համարվում էին անմաքուր: Եթե նորածինը տղա էր, ապա մաքրության համար սահմանված էր 40, իսկ եթե աղջիկ՝ 80 օր, այսինքն՝ երկու 40 օր: Այս օրերը լրանալուց հետո նորածնի ծնողները զննում էին Տաճար՝ իրենց հետ տանելով մեկ տարեկան գառ, մի զույգ աղավաղի կամ տատարակ՝ մեկը ողջակիզման, իսկ մյուսը՝ մեղքերի քավության համար: Աղքատ ընտանիքները, ինչպիսին Ջիսուսի ընտանիքն էր, կարող էին ընծայաբերել երկու տատարակ կամ աղավաղ երկու ձագ (Ղեւտ., ԺԲ):

Այստեղ ուզում ենք անդրադառնալ Աստվածաշնչում շուրջ 150 անգամ հանդիպող 40 թվին:

Աստվածաշնչում ուսումնասիրողներից ոչ մեկն այս թվի նշանակության հետ կապված հավաստի ու համապարփակ պատասխան չի տալիս: Սակայն եթե ուշադիր հետեւելու լինենք այս թվի կիրառումներին, ապա կտեսնենք, որ այդ թիվը, առավելապես ծիսական արարողակարգերում, անկախ է համարյա բոլոր հիմ ժողովուրդների շրջանում, հիմնական կրոններում՝ հիմնդիրվում, բուդդիզմում, քրիստոնեության մեջ, իսլամում:


Դեռեւս բաբելոնյան աստղաբաններն

այն կապել են բնական համաաղետների՝ փոթորիկների, մավաբեկության հետ, մանավանդ երբ նկատում էին, որ աստղաբույներն անհետացել էին տեսադաշտից: Այս թիվը կիրառվել է նաև համաճարակների ժամանակ, եւ պատահական չէ, որ 14-րդ դարում Մարսելում՝ Ֆրանսիայի խոշորագույն մավահանգստյան այդ քաղաքում, կյանքի կոչվեց 40-օրյա կարանտինը (ծագում է իտալերեն quaranta բառից, որն ուղղակի նշանակում է 40) այն մավերի համար, որոնք ժամանել էին երկրներից, որտեղ համաճարակ կար:

Եվ քանի որ 40 թվի հետ կապված խորհրդաբանական համապարփակ բացատրություն հնարավոր չէր գտնել, ուստի ճիշտ կլինի ընդունել, որ այն հիմնականում կապվում է Աստծու իրավասությունների հետ, որոնք կարող են մարդուն անընթեքի ու անընթեքի լինել, թեպետ չի բացառվում նաև, որ այս թվի գաղտնիքը հայտնի է եղել մարդկության հեռավոր նախնիներին, որի բուն իմաստը հետագայում ստվերվել է կամ մոռացության է մատնվել: Միայն կարող ենք ասել, որ այսօր գիտությունն ապացուցում է, որ հոլիությունից 40 օր հետո է ձեռավորվում սաղմը, ծնվելուց 40 օր հետո է նորածինը սկսում ընկալել շրջապատը, այսինքն՝ մախկին անիմանալի կյանքից տեղափոխվում նոր՝ իմացական կյանք: Դարեր շարունակ մեր ժողովուրդը, ինչպես նաև քրիստոնյա այլ ժողովուրդներ եւս սովորություն են ունեցել երեխային քառասունքից հանելու, հանգուցյալի քառասունքը նշելու (ասում են՝ իբրեւ մահացածի հոգին 40 օր դեռել մնում է երկրի վրա, որոշ ուսումնասիրողներն էլ պնդում են, որ 40 օր հանգուցյալի մազերը, եղունգները շարունակում են աճել եւ այլն):

Այս խորհրդավոր 40-ին առաջին անգամ հանդիպում ենք Ծննդոց գրքում, երբ խոսվում է մեծ ջրհեղեղի մասին. «Երկրի վրա անձրեւ թափվեց 40 օր ու 40 գիշեր» (Ե 12):

Ապա՝ երբ Մովսեսը սպանեց եգիպտացուն եւ փախավ Մադիամի երկիր, այնտեղ մնաց 40 տարի (Գործք Ե 30):



Գործ՝ Ջովաննի Բելլինի

Մովսեսն Աստծուց օրենքի ու պատվիրանների տախտակն ստանալու համար 40 տարի մնաց Սինայ լեռան վրա. «Մովսեսը մտավ ամպերի մեջ եւ բարձրացավ լեռը: Մովսեսը լեռան վրա մնա՞ծ 40 օր ու 40 գիշեր» (Ելք ԻԳ 18):

Բ Օրենքի Թ 18-ում Մովսեսն ասում է. «Առաջինի նման երկրորդ անգամ 40 օր ու 40 գիշեր Տիրոջ առջեւ աղաչեցի, հաց չկերա, ջուր չխմեցի ձեր գործած բոլոր մեղքերի քավության համար»:

Կրկին Երկրորդ Օրենքում հանդիպում ենք. «Եթե մեղավորը զանախարության է արժանի... ապա նրան թող զանախարեն ըստ նրա մեղավորության. 40 հարված, բայց ոչ ավելի» (Իե 2–3): Երկրորդ Օրենքից տեղեկանում ենք նաև, որ իրեաներն անապատում անցկացրին փորձության ու

հնազանդության 40 տարի, եւ Տիրոջ հրեշտակն էլ նրանց հիշեցրեց. «Նա տանջեց քեզ, սովահար արեց, կերակրեց քեզ մանաւայով, որին ծանոթ չէիր, եւ որին ծանոթ չէին նաեւ քո հայրերը, որպեսզի քեզ ցույց տա, թե մարդը միայն հացով չէ, որ ապրում է, այլ մարդը ապրում է նաեւ այն ամեն խոսքով, որ ելնում է Աստծո բերանից: Քո զգեստները չմաշվեցին, քո ոտքերը 40 տարի կոշտուկներով չպատվեցին» (Ը 3–4):

Տերը խոսեց Մովսեսի հետ եւ ասաց. «Մարդիկ ուղարկիր, որ հետախուզեն Քանաանացիների երկիրը: Դա եւ իսրայելցիներին եւ տալու որպես կալվածք... Իսրայելցիները, երկիրը 40 օր հետախուզելուց հետո, վերադարձան» (Թվեր ԺԳ 2, 26):

↪ էջ 8

ԵՐԲ ԵՆԵՂԵՐԸ ԿԱՆՈՒՆ ԵՆ

↪ էջ 3

Միքայելի վիրավոր ուսն այլեւս չէր ցավում...

Օսանը մոտեցավ, նշխարի մի մասունք տվեց:

— Գրկիր ինձ, Օսան, նստեմ, կանգնեմ, դիտեմ արեւագալը:

Օսանը կռացավ, թեւը նետեց Միքայելի մեջքին եւ ինչ-որ ուժ այն մագնիսեց տեղում: Վզի տակ, այտերի վրա, մազերի մեջ Միքայելի շուրթերն էին, շրշող շուրթերը: Դետո չհմացավ, թե ինչու ինքը կիսամերկ պառկած է Միքայելի կողքին ու փափիկ, ծերմակ ուսերը դուրս են մնացել վերմակից, երբ Միքայելը ավելի ու ավելի է սեղմվում իրեն, եւ ինքը՝ Միքայելին: Բայց ինքը սեղմվում էր վախից, աշխարհն է ներշնչել, մենակությունից, որ կյանքն է պարտադրել, եւ առնական թեւերի կարոտից, որ այրիությունն է պատճառել: Գեղեցիկ էր Օսանը, շատ գեղեցիկ...» (էջ 55–56):

Միքայելի եւ Օսանի հարաբերություններով թեւեւ «ամտեսվում» է Ջեթունում ընդունված «պատվո օրենքը», բայց դա հենց ինքը՝ «կյանքի օրենքն» է, որ կյանքի հաստատումն է դառնում, սիրո ու մարդու մեծարումը: Նաեւ այդ ամեն մարդկային դեմ էին գործում թուրքերը: Արմախում այդ ցեղի բուն էությունը գրողը բացահայտում է թուրք սպայի՝ հոլի Օսանին ասված խոսքերով. «Մենք հայի դեմ ենք կռվում, եւ նշանակություն չունի, թե այդ հայը կին է կամ երեխա, ծերունի է կամ պառավ, ծնվում է կամ ծնվելու վրա է» (էջ 223):

Ձեռք պահանջող թշնամուց մշակման համար փոքրիկ հողակտոր խնդրելու գնացած Միքայելը նենգորեն սպանվում է: Նրա մահն ազդակ է դառնում զեյթունցիների համար՝ մեկ անգամ եւս հանդգնելու, որ



իրենց մահը եւս անխուսափելի է, եւ ոչ մի պարագայում չի կարելի վստահել թշնամուն, որ պիտի հնչեցնել վրեժի փրկարար երգը. «Երգը փրկից, ծավալվեց... Դա մի դղիր էր, որոտ: Դեղեղվում էր շառաչող գետը... Ծարժվում էր հողը...» (էջ 191):

Վեպում առկա են նաեւ հաջողված մի շարք այլ կերպարներ՝ Բու Մանուկը, Նազարեթը, Ժանգ Սեդրակը, պատանի Փոփոն, ծերունի Թումասը (որ մարմնավորում է հայ մարդու ու բնության հավերժական կապն ու միաձուլում), որոնք թեւեւ համդեմ են գալիս առանձին դրվագներում ու դեպքերում, սակայն իրենցով տիպականացնում ու ամբողջացնում են շրջանի համապատկերը, արտացոլում ժողովրդական զանգվածների մտածողությունն ու զգացողությունը,

դրսեւորում համարձակության ու քաջության օրինակներ:

Ժողովրդական կանքի ու իմաստունության արտահայտիչ է Արամի հայրը, որն իր պատրաստած վերջին զենքը տալիս է Փառենին՝ նրան ու մյուսներին ուղղելով իր ծերունական պատգամը. «Կռվեցե՛ք մինչեւ վերջին շունը: Եթե փամփուշտը վերջանա, կռվեցե՛ք քարերով, քարը վերջանա՝ փայտերով, փայտը ջարդվի՝ ձեռքով ու եղունգներով. կռվեցե՛ք մինչեւ արյուն չմնա երակների մեջ» (էջ 211–212):

Դարերի խորքից եկող այդ պատգամն ապրեցնող այն ուժն էր, որ հնչել էր ու հար հնչելու է հայ մարդու համար, նրա գոյատևելու երաշխիքներից մեկը նաեւ գալիքի բառերիցն էր. «Մզգ,— գրել է Շահնուրը իր «Թերթիս կիրակնօրեայ թիւը» գրքում (Բեյրութ, 1958, էջ 9)՝ խոսքն ուղղելով ողջ հայությանը,— Կռու՛ք ամբողջութեամբ քու միսերուդ: Եթե՛ միսերդ ինկան պատառպատառ, կռու՛ք դնդերներովդ, ջիղերովդ, երակներովդ:

Եթե՛ պայքարը զանոնք լափեց՝ կռու՛ք ուկորներովդ: Եթե՛ ուկորներդ փշրուեցան, կռու՛ք ծուծովդ: Եթե՛ ծուծ չմնաց, կռու՛ք ածիւններովդ: Եթե՛ ատոնք ալ տարտղունեցան, կորսուեցան, չքացան, այն ատեն կռու՛ք, ազգ, Դերոսովդ»:

Այսօրվա վեպում կերտել է թշնամու, հատկապես ջարդարար թուրքի տարաբնույթ տիպեր՝ խարդախ, նենգ, անարդար եւ մանավանդ՝ դաժան (Շեքեթ, Շեքեթ եւ այլք). բոլորն էլ օժտված ընդհանուր նույն վարքով՝ թալանչի (Հակոբ Մնձուրին կասե՛ր՝ թուրքը «խառնուածքով սպառող է, արտադրող չէ»), մարդասպան ու հայա-

տյաց: Այդպիսի մեկն է Ալի Քեհյան՝ վանք անարգող, ամբարտաւան: Երբ Տրդատը շանառակ է անում Աստծու տուն տրորող հոխորտ այդ արարածին, Ժանգ Սեդրակը հարկ է համարում քաշել նրա ականջը եւ ասել մի քանի բառ, սովորական մարդկային բառեր. «Լավ բան չէ խաղաղ հողագործին սպանելը, հասկացա՞ր» (էջ 54):

Սակայն թուրքը, ինչպես կենդանության ժամանակ այդ չէր հասկացել, այնպես էլ մեռած ժամանակ այն չի հասկանում: Իսկ առհասարակ կամ թուրք, որ հասկանա սովորական մարդկային այդ խոսքը: Եվ կան որեւէ արդար գործ, որ կատարվեր այդ երկրում, երկիր, ուր տիրում էին ավերն ու սպանող, երկիր, որի ողջ պատմությունն ամփոփվել է արյան հեղումների ու այլոց հայրենիքների գրավման մեջ:

Վեպի երկրորդ մասի սկզբում ներկայացնելով Մարաշ քաղաքի ողբերգական վիճակը՝ գրողն այն մանեցնում է բանտի: Թուրքերը գրավել էին քաղաքը, ոչնչացրել Ֆրանսիական զորագունդը:

Այսպես կոչված՝ «դաշնակից» պետություններն այդպես էլ չզինաթափեցին Անատոլիայում հավաքված քեմալական բանակը, որը, օգտվելով այդ «դաշնակիցների» միջեւ առկա անհաշտելի հակասություններից, զինվեց նրանց իսկ օգնությամբ եւ օրեօր էլ ավելի հզորացավ:

Մարաշի անկումից հետո Ջեթունը կորցնում է իր կապը նաեւ Դաճընի ու հայաբնակ այլ վայրերի հետ՝ դառնալով աշխարհից կտրված մի օազիս՝ շրջապատված թուրքական բնակավայրերով:

Շարունակելի

Արծրուն ԱՎԱԳՅԱՆ
Բանասիրական գիտ. դոկտոր, պրոֆեսոր

Դսեղի պատմաճարտարապետական նշանավոր հուշարձանները

← էջ 1, 2

Սուրբ Գրիգոր Լուսավորիչ եկեղեցին (VII դ.) շրջապատված քարե ցածրիկ ցանկապատով, գտնվում է Դսեղի կենտրոնում պահպանված միջնադարյան գերեզմանոցներից մեկի տարածքում՝ Դովհաննես Թումանյանի տուն-թանգարանի հարեալանությամբ:

Կառույցի նախնական վիճակից քիչ բան է պահպանվել, եկեղեցին գրեթե ամբողջությամբ նորացված է (1900 թ.), նշմարվում են առնվազն եռակի վերանորոգումների հետքեր: Այժմյան եկեղեցին ուղղանկյուն դահլիճի հորինվածքով է, արեւելյան կողմում գտնվում է բեմից ավելի քան 3 մ հետ ընկած խորանը՝ արեւելյան եւ արեւմտյան կողմերին կից ավանդատներով: Չանգակատան արեւելյան ճակատին՝ պատուհանի պսակից վերել, ճանկերում գառ բռնած երկգլխանի արծվի քանդակ է՝ նման Բարձրաքաչ Ս. Գրիգոր վանքի գավթի պատի քանդակին: Այս քանդակից ձախ պահպանվել է եղնիկի սլացիկ պատկերի ընդհանուր ուրվագիծ: Չանգակատան հարավային պատին հազիվ նշմարվող գրեթե արեւային ժամացույցն է:

Դսեղի Ս. Գրիգոր Լուսավորիչ եկեղեցին վաղմիջնադարյան այն ճարտարապետական հուշարձաններից է, որոնք ուշագրավ են տարբեր դարաշրջաններին վերաբերող վերանորոգումների վարպետորեն զուգակցմամբ՝ այդ դարաշրջաններին բնորոշ հարդարանքի տարրերով:

Դսեղի նշանավոր «Սիրուն խաչ» («Սուրբ տերունական») խաչքարը գտնվում է գյուղի հյուսիսարեւելյան կողմում՝ Քարինջ գյուղի դիմաց՝ Մարց գետի ձախափնյա կիրճի եզրին: Խաչքարը կանգնեցված է եռաստիճան բարձր պատվանդանի վրա, բարձրությունը պատվանդանի հետ 4,20 մ է, կերտված է վարդագույն քարից: Խաչքարի վրա պատկերված է Փրկիչը՝ գահավորակի վրա նստած. աջ եւ ձախ կողմերում կան վիմագիր համառոտագրումներ՝ ՅՍ — ՔՍ (Յիսուսյ Քրիստոսյ): Խաչքարը համեմատաբար բարվոք վիճակում է, վնասված է միայն խաչաքանդակի ձախ թեւի ստորին հատվածը: Ըստ ծաղկյալ խաչն ու հյուսկեն վարդակն ընդգրկող եզրային մասին պահպանված արձանագրության՝ խաչքարը կանգնեցվել է Մամիկոնի ու իր որդի Վարդանի իշխանության օրոք՝ Յայրադեղի կողմից (թվականը չի պահպանվել): Դուշարձանը մոտավոր թվագրվում է XIII դարով:

Քառակող կոթողը գտնվում է Դսեղ գյուղի կենտրոնական մասում պահպանված միջնադարյան գերեզմանատներից մեկում: Կոթողի սյան բարձրությունը 2 մ է, կերտված է բաց դեղնավուն ֆեյզիտից, կանգնեցված է տուֆաքարեխորանարդած եռաստիճան պատվանդանին, որի վերին միակտոր քարի վրա երեսուն է խաչապատկեր, իսկ մյուս կողմում կա վիմագիր արձանագրություն: Կոթողը հավանաբար վաղմիջնադարյան ժամանակաշրջանի ստեղծագործություն է:

Է, որի չորս ճակատները եղել են քանդակապատ: Արեւմտյան ճակատը զարդարված է ստորին երկու կողմերում դափնու տերեւներով ոճավորված հավասարաթել խաչով: Հարավային ճակատին փորագրված է արձանագրություն: Դսեղի քառակող կոթողն աչքի է զարնում իր ինքնատիպ ու կատարողական բարձր արվեստով ոճավորված զարդաքանդակներով:

Քառակող կոթողից հարավ-արեւելք գտնվում է Վահրամ վարպետի կերտած բարձրարվեստ «*Խաչելություն*» խաչքարը (1281 թ.), որը հիացնում է իր պատկերագ-



Ս. Գրիգոր Լուսավորիչ

րական հարստությամբ, պատկերաքանդակների, զարդամոտիվների ու վիմագրերի ներդաշնակ միահյուսմամբ:

* * *

Ըստ ժողովրդական ստուգաբանության Դսեղ գյուղն իր անունն ստացել է «Դուրս տեղ» բառակապակցությունից՝ իբր նկատի առնելով գյուղի դիրքը, տեղանքը շրջակայքից զատված, առանձնացած լինելու համաձայնը:

Բարձրաքաչ Սուրբ Գրիգոր վանքը եղել է Դսեղի Մամիկոնյան իշխանների տոհմական տապանատունը: Մեծ լոռեցիմ՝ համաճարեղ Դովհաննես Թումանյանը, իրեն համարում էր Դսեղի Մամիկոնյանների շառավիղը:

Վանք տանող ճանապարհին է գտնվում այն սառնորակ աղբյուրը, որից «Գիքորը» ֆիլմում ջուր են խմում Համբոն ու Գիքորը: Այդ պատճառով էլ տեղացիները հետագայում աղբյուրն անվանել են «Գիքորի աղբյուր»:

* * *

Դսեղի Սրբոց Քառասնից մանկանց վանքը կոչվել է Քառասուն մանկանց անունով՝ ի հիշատակ քրիստոնյա այն 40 երիտասարդների, որոնք ենթարկվել են դաժան խոշտանգումների, սակայն հավատափոխ

չեն եղել: Քառասուն մանուկներն Արեւելքի ամենապաշտվող սրբերից են:

Ըստ երանաշնորհ Շնորհք պատրիարքի «Համաքրիստոնեական սուրբեր» գրքի՝ երբ իմանում են, որ Կապադովկիայի կայսերական բանակում քրիստոնյաներ կան (316 թ.), հարցաքննության են կանչում նրանց եւ ստիպում ուրանալ Քրիստոսին: Տանջալի կտտանքներից հետո էլ, սակայն, նրանք հավատարիմ են մնում Քրիստոսին, ուստի վճռվում է բոլորին զցել Սեբաստիայի մոտ գտնվող՝ արդեն սառչող լիճը, իսկ ափին բաղնիք տաքացնել, որպեսզի նրան, ով

ուրանա Քրիստոսին, թույլ տրվի լիճի դուրս գալ եւ բաղնիք մտնել: Մեր շատ եկեղեցիներում այդ օրը հատուկ պատրաստված քառասուն կանթեղների մեջ լցնում են ժողովրդի ընծայաբերած ձեթից ու վառում պատրույգները՝ ի հիշատակ այդ սրբերի անասան հավատի, որոնք, ամբողջ գիշեր սառցե լճում մնալով, համբերեցին, տոկացին մինչ ի մահ, բացի մեկից, որը, լիճի դուրս գալով, մտնում է տաք բաղնիք եւ իսկույն մեռնում: Այդ պահին մահատակների համար երկնքից իջնում էր քառասուն լուսեղեն պսակ: Հսկող պահակներից մեկը, տեսնելով, թե ինչ է կատարվում, կամավոր մեռնում է սառցալիճը եւ իրեն նույնպես քրիստոնյա հայտարարելով՝ մահատակվում է մյուսների հետ՝ ստանալով քառասուներորդ լուսապսակը: Ահա այս սրբերի հիշատակի տոնակատարության ժամանակ էլ օրհնվում է կանթեղների ձեթը, իսկ արարողության ավարտին բաժանվում է հավատացյալներին:

Հայ Առաքելական Սուրբ եկեղեցին Սեբաստիայի Քառասուն մանուկների հիշատակը նշում է Մեծ պահքի չորրորդ՝ Տնտեսի կիրակիին հաջորդող շաբաթ օրը (կամ Մեծ պահքի հինգերորդ՝ Դատավորի կիրակիին նախորդող շաբաթ օրը):

Ավանդության համաձայն՝ Քառասուն մանուկների մահատակությունից որոշ ժամանակ անց հալածյալ քրիստոնյաների մի

խումբ Կեսարիայից, Տարոնից եւ այլ վայրերից տեղափոխվում է Դսեղ գյուղից դեպի Դեբեդի կիրճ տանող՝ «Տախտեր» կոչվող նախկին բնակավայր եւ ի հիշատակ մահատակված Քառասուն մանուկների՝ կառուցում Սրբոց Քառասնից մանկանց վանքը:

* * *

Թեեւ արձանագրությամբ վավերացված է, որ 1234 թ. Դովհաննես վարդապետն ու իր եղբայր Սարգիսն են կառուցել Սուրբ Հարություն մատուռը, սակայն ավանդաբար տեղացիները մատուռն անվանում են «Ագռավի տապան» ու պատմում բերնեբերան անցած հետեւյալ ավանդությունը:

Բարձրաքաչ Ս. Գրիգոր եկեղեցին կառուցող բանվորները կերակուր եփելու համար մի մեծ կաթսա են տանում մոտակա Մարց գետը եւ ջրով լցնելով՝ դնում են կրակի վրա: Երբ դեռ կերակուրը եփվում էր, եկեղեցու վերելից թռչող արծվի մագիլներից կախված թունավոր օձը հանկարծակի ընկնում է ցած՝ ճիշտ եւ ճիշտ եկեղեցու շինարարների համար եփվող ճաշի կաթսայի մեջ: Դա տեսնում է մի ագռավ, արագորեն թռչում է կաթսայի մոտ՝ փորձելով ճաշը եփողին ու վարպետներին հասկացնել, որ հանկարծ չուտեն այդ կաթսայից: Խեղճ թռչունը, սակայն, չի կարողանում հասկացնել, որ կաթսայի ճաշը թունավորված է: Երբ գալիս է ճաշելու ժամը, ագռավը կռկռալով սկսում է խելահեղ պտույտներ անել կաթսայի վրայով: Շինարարները ուշադրություն չեն դարձնում եւ նստում են ճաշի: Համարձեռն ագռավը սուր կռկռոցով նետվում է կաթսայի մեջ: Եկեղեցու շինարարները, կերակուրը պղծված համարելով, շրջում-թափում են կերակրի կաթսան: Մեծ է լինում նրանց զարմանքն ու հիացումը, երբ ճաշի մեջ նկատում են թունավոր օձի մարմնի մասերը եւ նոր միայն հասկանում ագռավի անհանգիստ թեաքախոսումների ու կատարածի իմաստը: Շինարարները երախտագիտությամբ պատանքում են ագռավի մարմինը, անկեղծորեն տխրում են սգում, ապա պատշաճ հանդիսությամբ թաղում եկեղեցու մոտակայքում, գերեզմանի վրա մատուռ բարձրացնում, իսկ մատուռի ներսում՝ գերեզմանաքմբի վրա, մի մեծ սալաքար գցում: Այդ օրվանից մատուռն ագռավի պատվին կոչվում է «Ագռավի տապան»:

Այնուհետեւ Դսեղ գյուղում երկու գողտրիկ ավանդույթ է ձեւավորվում. այդուհետ գյուղի որսորդներն այլեւս երբեք ագռավի վրա հրացան չեն ուղղում եւ ագռավ չեն սպանում: Ագռավի հիշատակին նվիրված մյուս ավանդույթն էլ ձեւավորվում է հողագործ-մշակների շնորհիվ: Դսեղ գյուղի համրեղենում աշմանացան կամ գարնանացան անելիս սերմնացանները միշտ երեք լիաբուռ հացահատիկ են շաղ տալիս արտեզերին՝ դա համարելով ագռավի բաժինը:


Արման ՄԱՆՈՅԱՆ
Պատմական գիտ. թեկնածու

Հերոսների դրամատիկ հոգեվիճակները «Գեւորգ Մարգարետունի» վեպում

← էջ 5

Մուրացանը գիտակցում էր, որ ազը բաղկացած է անհատներից, իսկ անհատն ամեն բան լինելուց առաջ մարդ է՝ զգացմունքների, կրքերի բնական էությամբ, բայց կա գերագույն ճշմարտություն՝ հասարակական բարոյականությունը: Սա է տնօրինում մարդու առաքինության կերպը, ուստի եւ այնտեղ, որտեղ անձնական մղումը հասարակական շահից առաջ է ընկնում, վերաճում է մոլորության եւ ծնում չարիք: Ս. Սարինյանի կարծիքով՝ այս դեպքում որքան մեծ է անհատի հասարակական իրավունքը, նույնքան մեծ է նրա անձնական մոլորության պատճառած չարիքը (*տե՛ս Սարինյան Ս., նշվ. աշխ., էջ 185*):

Ըստ Մուրացանի՝ պետական գործիչը պետք է անսահման բարձր լինի հասարակ մահկանացուներից եւ հաղթահա-



րի իր անձնական ապրումներն ու թուլությունները, կարողանա սթափ գնահատել իրավիճակը, ճիշտ որոշումներ կայացնել, անձնական շահերը ստորադասել հասարակականին:

Աշոտ երկաթի կերպարը դրսևորվում է թեեւ ոչ համաչափ, բայց փոխադարձաբար իրար լրացնող ու բացասող 2 մակարդակներում՝ մինչեւ ամուսնությունը եւ ամուսնությունից հետո (*տե՛ս Սաֆարյան Վ., նշվ. աշխ., էջ 156*): Առաջին մակարդակում Աշոտը եղել է ուժեղ արքա, ռազմաքաղաքական հզոր գործիչ, որի մասին իմանում ենք Սահականույշի եւ Սեդայի գրույցի միջոցով: «Պետք է տեսնեիր դու նրան այն ժամանակ, երբ յուր գործերով անցնում էր Գարդմանից: Ինչպես լեռնային մի հեղեղ, ինչպես գարնանազայր մի փոթորիկ, այնպես անցավ նա մեր դաշտերից: Ինքը արքա-

յորդին... Կարող եմ միթե նկարագրել, կատարյալ հին դարերի մի դուցեզմ. երբ գալարափողերը յուր գալուստը հայտնեցին, Գարդմանը կարծես տեղից դողդաց...», — պատմում է Սեդան (էջ 37):

Սահականույշ թագուհին եւ նրա դայակ Սեդայի գրույցներում վերականգնվում ու միահյուսվում են անցյալի իրողությունները, կենդանանում Աշոտ երկաթի կյանքի ու գործունեության առաջին շրջանի պատմությունները, որոնցում նա հանդես է գալիս իբրեւ ռազմաքաղաքական հզոր գործիչ, որի օրոք Հայաստանում խաղաղություն է հաստատվում, որը չնայած երիտասարդ տարիքին՝ «վիրավոր առյուծի նման արշավում էր երկրի այս կամ այն կողմը»՝ երկիրն ազատելու արաբ զավթիչներից, համախմբելու մախարարներին ու հասարակ ժողովրդին: ➔ էջ 8

Տյառնընդառաջը կերպարվեստում

← էջ 6

Դատավորներ ժԳ 1-ում կարդում ենք. «Իսրայելցիները շարունակեցին չարիք գործել Տիրոջ առաջ, եւ Տերը նրանց 40 տարի այլազգիների ձեռքը մատնեց»:

«Այն այլազգին 40 օր, առավոտ կանուխ ու երեկոյան, գալիս արձանացած կանգնում էր իսրայելցիների առաջ» (Ա Թագ. ԺԷ 16):

Եղիան Սիմա լեռան վրա «նայեց ու տեսավ իր սնարից կախված նկանակ ու ջրի կուժ...

Նա վեր կացավ, կերավ ու խմեց, այդ կերակրի գործքամբ 40 օր ու 40 գիշեր քայլեց մինչեւ Քոբեր լեռը» (Գ Թագ. ԺԹ 8):

Եզեկիելը, խոսելով Երուսաղեմի պաշարման մասին, ասում է. «Դարձյալ կմնջես աջ կողքիդ վրա, եւ Դուդայի տան անհրավությունները կկրես 40 օր. յուրաքանչյուր տարվա դիմաց մեկ օր էր սահմանել քեզ» (Եզեկ. Դ 6):

Իսրայելում 40 տարի իշխեց Դավիթ թագավորը, 40 տարի իշխեց նաեւ Սողոմոն թագավորը:

Հին Կտակարանում բազում անգամ տեղ գտած այս 40 թվին համդիպում ենք նաեւ Նոր Կտակարանում:

Հիշենք մեր Տեր Հիսուս Քրիստոսի՝ 40-օրյա փորձությունն անապատում (Մատթ. Դ 2), 40 ամիս քարոզեց, Նրա հրաշափառ հարությունից մինչեւ համբարձում տևեց 40 օր. «Նա իր չարչարանքներից հետո իրեն կենդանի ներկայացրեց նրանց առաջ շատ ապացույցներով՝ 40 օրերի ընթացքում երևալով նրանց եւ խոսելով Աստծո արքայության մասին» (Գործք Ա 3), 40 օր մնաց գերեզմանում:

40 օր է տևում Մեծ պահքը եւ այլն:

Թվարկված օրինակները հուշում են, որ 40 թվին իմաստային կամ խորհրդապաշտական առումով ամենեւին էլ միանշանակ չէ. այն հոգեւոր վերելքի, պահքի, փորձության, մաքրության, թափառումի, ապաշխարության եւ սպասումի շրջան է, պատժիչ գործողությունների քանակ, մի վիճակից մյուսին անցնելու ժամանակահատված եւ այլն: Ընդունենք թե չընդունենք՝ թվերը պատահականություններ չեն: Ողջ տիեզերքի, տիեզերական բոլոր մարմինների՝ համաստեղությունների, մոլորակների ու արբանյակների, աստղերի ու աստղաբույլերի հիմքում ընկած են մաթեմատիկական կատարյալ հաշվարկներն ու մաթեմատիկական անբեկանելի օրինաչափությունները:

Այնուհանդերձ՝ այս խորհրդավոր 40 թվի գաղտնիքը թողնելով հետագա ուսումնասիրողներին՝ դառնա՞նք տյառնընդառաջի խորհրդին:

Եվ այսպես՝ Մարիամն ու Հովսեփը Մանկանը տանում են Տաճար: Տաճարում նրանց ընդառաջ է գալիս՝ «Սիմեոն անունով մի մարդ... այդ մարդը արդար ու աստվածավախ էր եւ ակնկալում էր Իսրայելի մխիթարությունը, եւ Սուրբ Հոգին էր նրա մեջ» (Դուկ. Բ 25): Այս ծերունուն Սուրբ Հոգուց հրամայված էր, որ նա չի մահանալու, մինչեւ չտեսնի Տիրոջ Օծյալին: Եվ ահա Սիմեոն ծերունին մանուկ Հիսուսին իր գիրկն

է առնում, օրհնում է Աստծուն եւ ասում. «Այժմ, ով Տեր, խաղաղությամբ արձակիր քո ծառային՝ ըստ քո խոսքի. որովհետեւ աչքերս տեսան փրկությունը քո, որ պատրաստեցիր բոլոր ժողովուրդների առաջ. լույս, որ կլինի հայտնություն հեթանոսների համար եւ փառք՝ Իսրայելի քո ժողովրդի համար» (Դուկ. Բ 29): Այս խոսքերից զարմացած Մարիամն ու Հովսեփին Սիմեոն ծերունին օրհնում է ու Մարիամին դիմելով ասում. «Ահա սա նա է, որ պատճառ է դառ-



Գործ՝ Ռեմբրանդտի

նալու Իսրայելի մեջ շատերի անկման ու բարձրացման եւ նշան՝ հակառակության: Իսկ քո հոգու միջով էլ սուր պիտի անցնի, որպեսզի բազում սրտերի խորհուրդներ հայտնի դառնան» (Դուկ. Բ 33–35): Դուկաս ավետարանիչը հաղորդում է նաեւ, որ՝ «...այնտեղ կար մի մարգարեուհի՝ Աննա անունով՝ Փանուելի դուստրը, Ասերի ազգատոհմից. սա տարիքով շատ առաջացած էր եւ ամուսնու հետ միայն յոթը տարի էր ապրել՝ սկսած իր կուսությունից: Նա մոտ ութսունչորս տարեկան մի այրի էր, որ չէր հեռանում տաճարից, այլ ծոմապահությամբ եւ աղոթքով գիշեր-ցերեկ ծառայում էր Աստծուն: Սա եւս նույն ժամին վերկացավ եկավ, գոհություն էր մատուցում Տիրոջը եւ խոսում էր մանկան մասին բոլոր նրանց հետ, որոնք Երուսաղեմի փրկությանն էին սպասում»:

Ինչպես գիտենք, Դուկասը հրեա չէր, եւ երբեք չի էլ ապրել Երուսաղեմում, բայց Ամայի ով լինելու մասին հնարավորինս ամբողջական տվյալներ է հաղորդում, իսկ Սիմեոն ծերունու մասին, բացի «արդար» եւ «աստվածավախ» պատվանուններից, ուրիշ ոչինչ չի ասում, այն դեպքում, երբ ծերունու Օծյալի կյանքի մասին գուշակում ենք ավելի քան ռեալ էին եւ հավաստի, որոնց մասին մենք հետագայում իմանում ենք Տիրոջ կյանքի ու մահվան ընթացքին ծանոթանալով: Իսկ այն, թե Սիմեոնն այն 72 թարգմանիչներից մեկն էր, որոնք

Պտղոմեոս Երկրորդի հանձնարարականով թարգմանել էին եբրայերենից հունարեն շին Կտակարանի գրքերը, ամենայն հավանականությամբ հետագա դարերի ավանդություն է: Ինչեւէ, ավանդույթն ասում է, թե թարգմանական աշխատանքների ժամանակ Սիմեոնը Եսայու գրքում հանդիպում է «Ահա կույսը պիտի հղանա ու որդի ծնի» (Եսայի, Է 14) նախադասությանը եւ մտածելով, որ դա սխալմունք է, ջնջում է այն: Սակայն դրա շուրջ երկար մտորելուց եւ միտքելուց հետո արթնանում եւ տեսնում է իր ջնջած տողերը մորից վերականգնված են, այն էլ՝ ասես ոսկե տառերով: Սիմեոնը փառաբանում է Աստծուն եւ երանի տալիս նրանց, ովքեր պիտի տեսնեին Օծյալ Մանկանը՝ Կենդանի Աստծուն եւ գրկեին Նրան:

Այսպիսով, համաձայն Եկեղեցու հայրերի, Սիմեոնը եւ Աման խորհրդանշում են Փրկչին ընդառաջ դուրս եկած Հին Ուխտի ողջ մարդկությանը: Հետագայում Նոր Ուխտի մարդկության համար տոնը դարձավ Տիրոջ ընդառաջ գնալու հիասքանչ հրավեր: Եվ ինչպես Աստված խոնարհվեց ու դեպի մեզ եկավ մեր փրկության համար, այդպես էլ մենք պետք է գնանք Նրա հետ հանդիպման: Ինչպիսի՞ պատիվ մեղավոր մարդուն, ինչպիսի՞ արժեւորում: Եթե Հին Ուխտի մարդկությանը լսելի էր լույս Աստծու ձայնը, ապա Տաճարում մոր մարդկությունը բախտ ունեցավ ոչ միայն հանդիպելու, տեսնելու իր Աստծուն, այլեւ ապրելու Նրա հետ մարդկային կյանքով, լսելու Նրա քարոզները՝ մարդարարածի առաքելության, հոգեւոր բարձրացումի, փրկագործության, կյանքի ու մահվան խորհուրդի, երկրային ժամանակավոր ու երկնային հավիտենականության մասին:

Ուստի ամեն տարի՝ փետրվարի 14-ին, երբ մենք՝ Տիրոջ անունով քրիստոնյա կոչվածներս, գնում ենք տաճար՝ եկեղեցի, գնում ենք հանդիպելու մեր Աստծուն, Նրան, Ուն կարիքը մենք՝ հայերս այսօր առավել քան երբեւէ ենք զգում: Ցավոք, այսօր ողջ մարդկությունը, ինչպես եւ մենք շատ ենք հեռացել Աստծուց, շատ ենք դարձել եսակենտրոն ու ինքնաբավ, առանց հասկանալու, որ երբ հեռանում ես քո Ստեղծիչից, հեռանում ես ճշմարիտ Կյանքի կենարար ու կենսատու ակունքներից: Երանի թե լինեք այնպես, որ ազգովի, ինչպես 301 թվականին, անկեղծորեն դառնայինք դեպի Աստված, ուղղեինք մեր քայլերը դեպի հավիտենական Լույսը: Գմայինք ի սրտե հանդիպալու Նրան, Ով այնքան սիրեց մեզ, գնայինք հանդիպելու Նրան ամեն օր, ամեն ժամ, որպեսզի արժանանայինք այն երանությանը, որի մասին Քրիստոսն Ինքը ասաց. «Երանի՜ է ձեր աչքերին, որ տեսնում եմ, ու ձեր ականջներին, որ լսում եմ: Եշմարիտ եմ ասում ձեզ, որ շատ մարգարեներ ու արդարներ ցանկացած տեսնել, ինչ որ դուք տեսնում եք, բայց չտեսան» (Մատթ., ԺԳ 13):

Շարունակելի

Աստղիկ ՍՏԱՄԲՈԼՅԱՆ

Հերոսների դրամատիկ հոգեվիճակները...

← էջ 5, 7

«Փափագում էի տեսնել երիտասարդ թագավորին, այն ոյուցագահին, որ այնքան կարճ ժամանակում ընկճեց, խորտակեց թշնամու զորությունը, մաքրեց երկիրը բռնավորներից, ազատեց ժողովուրդը ստրկությունից, գրավեց ու գերեց իշխանների սիրտը եւ նրանց բոլորին ոգեւորեց այնքան, որ միմյանց դեմ ունեցած ամեն գժտություն մոռանալով՝ եկան ժողովվեցան յուր շուրջը, արքայական թագով յուր արժանավոր գլուխը պսակելու» (էջ 52): Աշոտ Երկաթի անունը լսելուց անգամ թշնամիները սարսափում էին, քանի որ գիտեին, որ հարկ եղած դեպքում նա կարող է դաժանաբար պատժել թշնամիներին. հոր վրեժը լուծելու համար նա ջարդել էր Յուսուֆի գործը, իսկ նրանց բոլոր նշանավոր իշխաններին մորթազերծ անել էր տվել եւ ամրոցների աշտարակներից կախել:

Աշոտ Երկաթն սկզբում զոհաբերել է իր անձնականը ազգին, հասարակությանը, հրաժարվել իր սիրած կնոջից՝ Ասպրամից, ամուսնացել Սահականույշի հետ, որպեսզի հայրենիքը փրկելու համար օգտագործի նաեւ Գարոնանա հզոր իշխան Սահակ Սեւադայի ուժերը, այսինքն՝ առաջին մակարդակում նա համոզեւ է գալիս իբրեւ հզոր արքա, որը կարողացել է անձնականը ստորադասել հասարակականին:

Սակայն երկրորդ մակարդակում Աշոտ Երկաթն արդեն դառնում է սովորական մահկանացու, որը ենթարկվում է իր զգացմունքներին, կորցնում իր երբեմնի անկոտրում կամքն ու վճռականությունը: Ազգային խնդիրները լուծելուց հետո արքան փորձում է վերագտնել իր կորցրած երջանկությունը, ինչը, սակայն, պահանջում էր հասարակական շահն այս անգամ ստորադասել անձնականին: Աշոտ Երկաթը նույնպիսի նսեմ քայլերի է դիմում՝ իր անթույլարտելի եւ հզոր արքային ոչ վայել արարքները քողարկելու համար: Այս մասին իմանում ենք Մարգարեությունից՝ Սեւադա զորույցի ժամանակ, երբ Սեւադան պատմում է, որ փորձել է դարձի բերել մուրդված փեսային, նրան ճիշտ ճանապարհի վրա կանգնեցնել, սակայն Աշոտն սկզբում փորձել է նեմգործն ամեն ինչ հերքել. «Նա առաջ չկամեցավ խոստովանել յուր հանցանքները, ծիծաղեց դառ լիործից խրատված հոր կանկածների վրա եւ կամեցավ յուր ճարտար լեզվով նկարել իմ առաջ կասկածի ճիվաղային կերպարանքը՝ նրանից ինձ հեռու փախցնելու համար» (էջ 109), իսկ երբ Սեւադան տեսնում է, որ փեսան շարունակում է արատավորել Սեւադայից տան անունը, նամակ է գրում նրան՝ զգուշացնելով վտանգավոր հետեւանքների մասին, եւ այս անգամ էլ արժանանում արքայի հեզմանքին. «Մի թե գարոնանացիք սիրահարների դեմ էլ են պատերազմում» (էջ 110): Նա դրժում է անգամ Սեւադայի եւ Սյունյաց եպիսկոպոսի առջեւ իր արած երդումը՝ թողնել Ասպրամ իշխանուհու հետ ունեցած իր հարաբերություններն ու վերադառնալ օրինական կնոջ մոտ:

Շարունակելի

Սամվել ԵՂԻԱՉԱՐՅԱՆ

ՔՐԻՍՏՈՆՅԱ ՉԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»
թերթի խմբագրություն

Գլխավոր խմբագիր՝

Աստղիկ Ստամբուլյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ gristhay@etchmiadzin.am

astghikstam@gmail.com

web կայք՝

krishayas.wordpress.com

Ստոր. տպագր. 31.03.2022 թ.

Տպաքանակը՝ 1225

Կարգալույծ են հռչակվել Մխիթար արք. Գրիգորյանը եւ Ասոմ փն. Ասասյանը

Ն. Ս. Օ. Տ. Տ. Գարեգին Երկրորդ Շայրագույն Պատրիարք եւ Ամենայն Հայոց Կաթողիկոսի հայրապետական տնօրինությամբ կարգալույծ է հռչակվել Մխիթար արք. Գրիգորյանը:

Տնօրինության համար հիմք են ծառայել Մայր Աթոռի կարգապահական հանձնախմբի եզրակացությունը, Ռուսաստանի եւ Նոր Նախիջևանի հայոց թեմի թեմակալ առաջնորդի դիմումը, ինչպես նաեւ հայր Մխիթարի եկեղեցական ծառայությունից հրաժարվելու մասին խնդրագիրը:

Հիմք ընդունելով Արցախի թեմի թեմակալ առաջնորդի դիմումը եւ Մայր Աթոռի կարգապահական հանձնախմբի եզրակացությունը՝ հայրապետական տնօրինությամբ կարգալույծ է հռչակվել նաեւ Արցախի թեմի հոգեւոր սպասավոր Ասոմ քնն. Ասատրյանը՝ հոգեւոր իր ծառայության վայրն ինքնակամ լքելու պատճառով:

Կարգալույծ եկեղեցականներն այսուհետ կդասվեն աշխարհականների շարքին՝ Արտակ Գրիգորյան եւ Ռոբերտ Ասատրյան ավագանի անուններով: